

I BUUKU LYA MWANA

WA MPAANGA ILYA MWEO

 Mwashibukeni, mwe fibusa. Cilifye musango uwakukana enekela kuli ine ukuba pano ileelo. Nshacilaenekela ukuba pano. Nali nokuyaba ku Kentucky. Kibili cibusa wandi ulya wine uwateremwikwa wandi alilwala icabipisha, Munyina wesi Lyle McSpaddin. [Pali tepu tapali amashiwi—Kale.] . . . ali mumibele yakufwa mu cipatala. Misisi Fergerson ulya uwaleisa pano, umwana wakwe umwaume eulefwa, nao pamo, mu cipatala. Kibili eico Nshaile, naikelye pamulandu wabo.

² Kibili nomba Mista Matheny uwa ku chalichi ca Pentecosti mu New Albany, pa musebo wa Silver Street, ukupitafye pa . . . Wena waba pakati . . . Waba pakati ka Oak na Silver, Ndetontonkanya. Kibili ena . . . Naciba nokushimikila mucifulo cakwe munshita ya bushiku, kibili Nalimweba . . . Ukufumyapo ico, pali Citatu yafumineko, kibili Namwebele ukutila Ndi nokulolela mpaka nkabwele ku Indianapolis. Kibili lilya line fye Naleyia mukwingila mu cipatala mailo, mukuya mona Munyina Lyle, mulandu nshi, Nalimukumenye. Kibili atile, “Ukuba, Namona ukutila tawaile.”

Kibili Natile, “Iyo.”

Atile, “Ukuba, kuti waisa, nokushimikila, nangu cibe ifyo.”

³ Eico, Ndetontonkanya, Shikulu nga afwaya, Ndeba kulya munshita ya bushiku, ukuya shimikila mucifulo cakwa Munyina Matheny. Kibili, ee, Namwebele, ukutila lintu nkaya kulya, Nkamukwatalako ukulongana kwa bundapishi. Kibili ilingi line Nalitemwa ukufunga ukulya pansihi ishili shitatu ilyo ukulongana kwa bundapishi takulacitika. Eico Namwebele ukutila Ndeshimikila, kibili nga cakutila kuli abali bonse kulya, tulebapepelako, nangu cibe ifyo, nikulya kwine fye u—ukupepela kwamu mulongo ukucitika inshita yonse.

⁴ Nomba, natukwata umulungu umo nakabili, umulungu ukufuma pali Cimo uyu ukakonkapo, nomba mpaka nokulongana kukatampe ku Cadle Tabernacle mu Indianapolis. Kibili natucetekela ukutila Shikulu ali nokutupala kulya kwine, mukulongana ukwamaka ukukalamba. Nga umwana, nokwenekela kwa Ciminshi minshi, Ndelolela kulya ukulongana. Ine . . .

⁵ Imwe, ukucitapofye icintu cimo mukubombela Shikulu, tulaba abanaka inshita shimo, mpaka cimoneka kwati teti tutwalilile ukuya apatali. Kibili nomba lintu watusha, ubushiku fye bumuo nangu shibili, kulaba icintu cimo icaku kumamo

kabili—kabili iwe uwilefye ukuya nakabili. Eico, ileelo, tuli pano pa bukabilo bumo, ico cili, kubombela Shikulu.

⁶ Kabili ilyo fye tatulakwata ipopo nokubelenga kwa Cebo, Ndefwaya ukulomba ubwelelo palwalala kuli Munyina Neville. Ine... Mailo, Nali ku ng'anda ukufuma kulya ku Kentucky, mailo, icakabilwa, ukushimikila ukwimininako ena mukusangala pa mwela. Pa Cibelushi cikakonkapo, kabili Lesa nga asuminisha, kabili na Munyina Neville nga asuminisha, Ndefwaya nkashimikile mukusanganya kwa pamwela mu lucelo pa Cibelushi cikakonkapo, ukwimininako Munyina Neville.

⁷ Kabili eico, ali umusuma nganshi pakunjellela, mukwanguka. Atile... Ndetontonkanya Nabulile icakuibondwelapo pali ena, kabili ni umo pali abantu abengacita... Ndebwesha ukutotela, kabili, "Nokwenekela umuntu umo." Kabili icanengele ukumfwa ububi cali lucelo celo lulya lintu banjatile kuli Munyina Lyle na bonse, ku New Albany. Kabili Ine... Cali fye ma mineti ikumi ukufika pa naini koloko, kabili Natile, "Oh, Ine naciba nokuba pa kusalanganya pa mwela muli ba mineti ikumi." Kabili pano, ine ndi mu Jeffersonville, naena ali kulya alendolela. Eico Ine...

⁸ Munyina Wood antumine lamya mailo, kabili Natontonkenye ukutila kuti Naleka Munyina Wood andombelako ubwelebo, mukubalilapo, namwishiba. Eico abikilepofye icakukanda icakulenga ine ukulanda muno lucelo, ukwisa. Eico tuli pano. Kabili eico ena... tuli...

⁹ Natucetekela ukutila—ukutila Lesa ali nokuba—nokuba mukulongana kwesu. Nshikwete nangu cimo icapekanishiwa libela; nshishibe napakutampila mu Malembo; nacibulafye Baibebe yandi munshita iinono iyapitapo, nokwisa kuno. Nacibula Baibebe yandi iya Collins, pantu yena yalikulako panono mu filembo.

¹⁰ Owe! Nincila pa myaka amakumi yane, namwishiba. Eico, lintu wafika pa myaka amakumi yane iya kufyalwa, icili conse icakupalama kuli iwe, kukana mona kwati nga fintu walemona, namwishiba. Nibanga abaishiba ico ukutila e cine? Ee. Ee, mukwai.

¹¹ Pano tapapitile inshita iitali, Natontonkenye ukutila, "Ntile, pali icintu cimo icilubene naine, teti Mfwale amakalashi ya katapa katapa nangu amakalashi ya cinyamuti." Tekuti ncite; cilanenga ukumfwa ububi. Eico Natile, "Palipo icintu cimo icilubene." Natumine lamya Dokota Adair, kabili Natile, "Dokota, lilangi nshi... Bushe kuti wapima amenso yandi, noku njeba ilangi lyama kalashi Mfwile ukukwata?"

¹² Atile, "Ine, Ine limbi kuti nakweba." Atile, "Ndekweba. Nalakutumafye ku Louisville, kubakanshiwa ukucilapo kulya, pali ico."

¹³ “Ukuba,” Natile, “Nshilefwaya ukuceceta kwamu meno.” Natile, “Nalikwata amenso ayasuma. Kuti naiminina nokumona umushishi uuli pansihi.”

¹⁴ Atile, “Lelo, cawama ukukuceceta, nangu cibe ifyo, kabili ali nokukweba umusango ufwile ukukwata.”

¹⁵ Eico, Naile kulya. Kabili, naishile sanga ukutila ali ni munyina umwina Kristu, alefwaya ukubwelelamu ku Africa pamo naine nokucita ukubombela kumo. Atile, “Nomba, balya abekashi bakupapusha nganshi, mwamona.” Atile, “Tekuti basuminishe umwele ukubalepula.” Lelo balikutemwa. “Kabili Ndefwaya ukupela imyeshi mutanda ukubomba umulimo wakukana lipilwa, uwa kufumya utuntu twa pameno nefintu ifyaba ngefyo, pa bekashi.” Kabili atile, “Lintu ukaya kulya,” atile, “Ine kuti nafwaya ukupela imyeshi mutanda iya mweo wandi mukubombela Shikulu.”

Natile, “Dokota, bushe walicetekela mubundapishi ubwa maka yakwa Lesa?” Atile, “ku cebo Conse ica ico.”

¹⁶ Kabili ampele ubunte, pansiha imo lintu... Aali uwakanshiwa ukucilapo uwa pamukoshi na meno. Atile bali mutumine lamya. Umwana umunono aminine umo pali ba pintu, kabili yafyanteme pa mukoshi. Atile, “Naile kulya, kabili no mwana alifye munshila yakufwa. Bamutwele ku cipatala. Tapali nangu cimo ico wingacita.” Atile, “Nshaishibe necakucita. Eico,” atile, “Ine fye, ukuba, nafumine mumuputule, kabili Natile, ‘Taata Watemwikwa uwamu Myuulu, ngafwilisheni ukwishiha icakucita pali uyu umwana umulanda. Alefwa. Kabili teti i Ncite nangu cimo pali ico, ukuifumya, kabili Nshishibe icakucita.”” Kabili atile, “Umwana acitile ati, ‘Uh!’ Kabili na pintu yapupwike nokuponena pansihi. Eico,” atile, “bushe kuti Nakana shani ukucetekela?” Ipepo lilapilibula ifintu. Ico nacilungma. Eico, anjebele. Twaikele palya nokulanda pakashita akanono.

¹⁷ Kabili akwete kalya akanono, akamuputule akafita, aletele akantu akanono palya, kabili Namwene ulubuuto ulunono ulwakashika. Atile, “Bushe kuti wabelenga ico?”

¹⁸ Nalimwene ico natile twente-twente. Natile, “Ee, mukwai.” Nalibelengele, munshila yonse, twente-twente. Nomba abikilepo fifitini-fifitini, Nalibelengele ico. Kabili teni-teni, Nalibelengele ico.

¹⁹ Atile, “Ukuba, tapali icilubene icikalamba na meno yobe.” Nomba abikilepo cilya ica kumwenamo cinono pamulu mulya, pamo ne... Atile, “Mbelengelako cilya.” Kabili Namwene ico, Nabelengele bwino. Atwalililepo ukulapalamina mupepi, mupepi. Natampile ukubelenga panono mukubelenga kwandi. Lintu akwete icali *ngefi*, Nalekele. Atile, “Ndekweba, ilyo Nshilakwipusha. Iwe naucila pa myaka amakumi yane.”

Natile, "Ee. Ico nacilungama." Natile, "Ndi namakumi yane naisano."

²⁰ Kibili atile—atile, "Ukuba, lintu umuntu acila pa makumi yane..." Atile, "Nshishibe ifyo wingekala neco ukufika pali iyi nshita." Atile, "Pamofye ngefyo umushishi obe ulaba uwabuuta, inkanda yobe ilakwata inkanshi, imishishi ilamena kumatwi yobe, nefyaba ngefyo." Mista Egan kuti akweba ico, nga kabeya wa mushishi. "Kibili lintu wacila pa myaka amakumi yane iyakufyalwa," atile, "aenso yobe mukati yalafwelela kibili yalakana ukukula." Atile, "Nomba Nalakweba ifyakucita. Ukuba, nomba, iwe ucefye amenso yonse yabili capamo nokubelenga mupepi capamo, kibili ubelenge cilya."

²¹ Ukuba, munyina, Ine kuti nabelenga ico, nga cakutila ico caba icapalamina kuli ine, nga kucefya amenso yandi. Nokubika amaboko yandi *ngefi*, nokupanga aka kumwenamo akanono, kwati, kuti wabelenga ico. Tapali nangu cimo icilubene na menso yobe. Cena cifyalilwafye, imyaka amakumi yane ayapitapo, abantu bafwile bafwala amakalashi ya kubelengelamo.

²² Kibili eico alefwaya ukumpangila yamo. Kibili, ukuba, acitile. Lelo Nsha—Nshatemewenwe filya ifintu, mwamona. Kibili Ine—Ine lyonse nshitontonkanya palwa yena, kibili Ndabelenga inshita shimo. Kibili, lelo, Ine fye nali ishitilaa Baibebe iya Collins, iyo i—iyakulako panono mu filembo. Kibili Natontonkenye ukutila, "Ukuba, Ine tekuti mbeleshe ukuyafwala, mwamona." Kibili iwe taumona—taumona... Nga cakutila Nalolesha, nimfumyako *ngefyo*, tekuti umone nangu cimo. Lelo iwe kulolesha pansi ukulolekesha, elyo caleta ico kuli iwe.

²³ Atile, "Nomba, iwe tampa ukubelenga *ngefyo*," atile, "icintu cakubalilapo nawishiba, iwe kutwalililapo ukutwala ukuboko kobe kunuma. *Ukufika* palya, ukuboko kobe takwalepa apatali, icakuti kuti wafika pali ico." Eico, iyo—iyo e nshila cabelamo.

Kibili eico, nomba, Shikulu a—apale.

²⁴ Nomba Ndefwaya inkwipushekero icintu cimo, muno lucelo, iyo tatulatampa amasambililo yamwisukulu lyapa Mulungu. Bushe—bushe icamatengo ni cinshi? Nda tontonkanya pali ico. Nga cakutila Nakwete ishiwi iya linga muno lucelo, Kuti nashimikila pali iyo isambililo. Lelo, pa mukoshi wandi, napabipa, kibili Ninkwata uku ukulongana ukuleisa pano, pa New Albanu, munshita iya bushiku. Kibili nomba, pamo, Ninkwata u...Ukulongana kuletampa. Ndefwaya fye ukufundisha pakashita akanono muno lucelo, ukufuma mu Malembo. Lelo, ica mutengo ni cinshi?

²⁵ Mayo wandi, Nshiletunganya ali pano. Nshilemumona apali ponse. Bushe emo ali? Ee, mayo, uleya ulecepelako. Eico, Namwipwishe mailo. Namwipwishe isambililo, pantu Naliba uwakubelenga pali iyo. Iwe nga wakwatafye icintu mu mano

yobe, tampafye ukubelenga? Munyina Weber, walicita ico inshita ishingi, kabilo iwe kutampafye ukubelenga.

²⁶ Bushe icamutengo ni cinshi? Kabilo Natampile ukutontonkanya. Natile, “Namwishiwa, nga cakutila Nakwete ama dolla umwanda wama millioni nayabikwa pano mu mwina, kabilo Nakwete napakutinika apanono pano. Nga cakutila Natinika ili ibatani, Ine ninshi nalufya umwanda wama millioni yandi, lelo Mfwile Nalanda pamo na taata wandi uwaya mukutusha, pali ora imo, aba umuntu uufwa nakabili. Cinshi ico Ningacita?” Teti kube nokulolela, Ine kuti natinika pe batani. Kuti Napela umwanda wama millions, muno lucelo, uwakulenga taata aikala muli uyu mupando, ilyo Ndefundisha isambililo. Eico cinshi ulupiya lwaba ulwalingilapo? Umweo wacilapo shani pa lupiwa? Mwamona?

²⁷ Nomba, mayo, muleibukisha lintu Nakwete ilya iinono iyakale T-model Ford, iinono iyakale iya model 26? Ifyo Naleiwamya ilya intu! Nalifye umwaice, palwa myaka ikumi na mutanda, ikumi na cine konse konse imyaka iya kufyalwa. Nali umubembu lilya. Kabilo inshita shimo...nalebomba pamo na Mista Genther kulya kunuma. Kabilo Nale... Panuma yapa Mulungu mu cungulo...Pamulungu mulucelo, Naleywa nokuwamya tonse utunono ne fintu, icakuputa umwela, nokuwamya. Pamulungu mucungulo kasuba, Nalewamya ulya Ford umunono uwakale, mpaka yamoneka kwati penti kuti yafumako kuli yena. Nga cakutila Naeseshe muno lucelo, nokusanga cimo icipandwa caulya Ford? Nga cakutila Nasangile cimo pali filya ifinono ukufumya kuli cilya icakuputa umwela? Panshita imoine iyo Nali nokunonka imyeo, Nalewamya Ford yandi. Ndesunguka apo apali umutengo.

²⁸ Nalebomba pa Mulungu ulucelo kulya, ilyo balempela ulusa. Naletotela pali ico, pantu Nalikwete inkongole. Kabilo Ine... Lelo ni kwisa—ni kwisa uko camfishishe? Cinshi ico caletele?

²⁹ Munyina Ledford, nga cakutila umuntu umo aisa kuli iwe na kuli Ine, kabilo Munyina Neville, muno lucelo, ifwe bonse pano, ifwe batatu, ukucila, nokutila, “Bakapyunga, Nalapela cila umo pali imwe millioni wama dolla.” Ico umuntu umo afikilepo... kuti acita ico.

³⁰ Kabilo Natile, “Nomba, Munyina Ledford, Munyina Neville, ico Ndemyeba ico ifwe tufwile ukucita. Natuyefwaya abantu bonse abapina abo twingsasanga. Lekeni tulenge ing’anda iinono ukuba iyansansa, ukupitila mukushitila abaice ifyakufwala, nokulipila kunkongole shang’anda, nangu ukushita iyi incende iinono. Ifwe tekuti tucifilwe. Millions dolla kuli umo, mulandu nshi, icakusekelamo ukufuma pali ico, ukusakamana abengi abo twingakumanisha abakubombela nesho; ukubika lwena mu cakutila icintu icisuma nangu icintu cimo. Kabilo nomba cinshi ico twingacita? Ico icingaba icisuma, ukutila, tatufwile

ukuleka umuntu umo ukwishiba palwa ico. Imitima yesu kuti yaumfwa ukusekelamo.

³¹ Lelo, nomba, mu myaka imyanda ukufuma pali leelo, mweba bwananyina, cena kuti casenda icisungusho cakwa Lesa, nga cakutila twaikeli imyaka umwanda ukufuma ileelo, namwishiba ico. Nomba, ifwe kuti twaba mu Muyayaya. Cisuma nshi ico millioni wama dolla engacita, nangu konse ukulisha kwa balanda, kibili ne fintu fyonse ifyo tucita? Mwamona? Tekuti cifikepo apakalamba nganshi. Nga cakutila Nakwete billioni, muno lucelo, cisuma nshi cingacita kuli panuma natuya mukutusha?

³² Lelo lekeni myebe icintu cimo. Ifwe tatwakwata ulo ulupiya. Tuli bantu abalanda; ifwe bonse twaba. Ico nacilungama. Twikalila kufyo abantu batupela, pakuba bakapyunga. Lelo munyina, mu Africa, umulumendo umo umunono uwafita umutali nga *ifi*, nangu iule lyamu musebo kulya ku Louisville, umweo umo wapusuka; waya mu Muyayaya, lintu lulya ulutanda lulebengeshima kwi shilya, amashina yesu yali nokupombwa muli lwena. Apo epali ica mutengo wenu. Tacili nipali lunga wakwata, nifinga ufwaya. Cili nipabwingi wingacita ukulola mukupususha imyeo kuli Kristu Yesu. Ulupiya lwesu luli nokupwa.

³³ Nalewamya ilya Ford iinono iyakale. Kibili muno lucelo, icikele mulya umwakusungila ba motoka ni Kadillaki untu bampele. Lelo bumo pali ishi inshiku, ulya Kadillaki ali nokuba ngefifine Ford ili, taili nokubapo ili nokupwa. Lelo Lesa ali nokubafye cimo cine. Lelo, nga cakutila Nakwata umweo wapusuka kuli Kristu, munyina, apofye kwena kwaliba u Muyayaya, ubukata bwakwa Lesa buli nokwikala pali ulya mwleo.

³⁴ Eico, bushe umutengo ni cinshi, nangu cibe ifyo? Cisuma nshi ico cingacita, lintu ifya kulwisha fili mu mukolokino obe, kibili na dokota amona ukupompa kuleisa kulepwa? Cisuma nshi buli mulupiya lonse nokwishibikwa konse? Abantu ukula kupampansha panuma, nangu iwe waba umuntu umukalamba, cisuma nshi ico cikucitila? Tapaba nangufye apanono. Cena cilapwa, nokwikalafye pano pe sonde.

³⁵ Lelo, umweo umo uwa pusuka, iwe uli nokumona umweo obe uwapombwa muli ico, apofye ulutanda lwamu lucelo luli nokubengeshima mu makumbi. Eico, lekeni tupusushe imyeo, ba munyinefwe. Cila umo, imwe mwebakash, tamufwile ukuba bakashimikila; Imwe mufwile ukucita icintu cimo ku bukata bwakwa Lesa. Ibukisheni, ifintu fya Muyayaya efikala inshiku pe, kibili, ico, kuleta imyeo ku kuplesuka. Lekeni ico ukuti cingaba icintu cakubalilapo, pa milimo yenu yonse napa mano yenu yonse napa fya kwimininapo fyenu fyonse.

³⁶ Mailo, ukwiminina palya, naikete ukuboko kwa bamayo, ukuboko kwandi kwashingulwike bena, nakalefu lefu kaletutuma.

³⁷ Kibili umulumendo wakwe alele palya, alefwa, atile, "Billy, Ndakufwaya—Ndakufwaya ukubwelela kwi hema."

³⁸ Natile, "Nkashi Fergerson, Ine—Ine kuti nafwaya ukucita ico." Atile... Natile, "Ükuba, lolesha, nkashi. Nikwisa uko Ningasanga imyeo limbi amakumi yasano iya pusuka, pa mwaka umo, mwi hema, ico kuti caba cisabo icisuma pa mwaka. Ine kuti nakwata amakana ya mwanda aya abo abapusuka mu calo cimbi. Mwamona?"

³⁹ Lintu Naenda ukuya mu Bukata, Nshilefwaya uku... Lesa kuti ampususha. Alimpususha. Ico calipwa. Lelo icintu ica ico cakutila, lintu Nafika kulya, Ndefwaya ukulolesha konse konse nokumona intanda shilebengeshima. Ameni. Nde—Ndefwaya ukumona icintu cimo ico icipanga icintu cimo.

⁴⁰ Nga cakutila Ine—nga Ine nalifwile, kibili Nali umuntu umukalamba, kateeka kwati nga Lincoln, nangu icintu cimo icaba ngefyo, kuti bakula, icakwibukisha icikalamba; lelo ubushiku bumo tekuti cibe ifyo. Lelo umweo umo ukupusuka, mu Bukata, umweo obe kuti wapombwa muli ico, apofye pali u Muyayaya uuleshinguluka.

Ukuba, natupepe nomba.

⁴¹ Taata Wesu uwa mu Myuulu, mukuicefyta twaisa kuli Imwe, muno lucelo. Mwe Lesa, Ndi uwansansa ukutila Nacibuka, ndi ne myaka amakumi yabili naisano iya kufyalwa iya pitapo, pacishinka icakutila—icakutila insansa tamwaba mu fintu fya mwi sonde. Mwaba mufintu fya Muyayaya, iciletulenga ukuba abansansa myeo yesu.

⁴² Kibili ifyo Ndi uwakutotela, muno lucelo, kibili uwatotela kuli Imwe, pe pusukilo Lyenu no kusenamina Kwenu, ukunsuminishe, Shikulu, ukumona konse imyeo ama millioni naifukama pa cipailo. O mwe Lesa, ubushiku bumo ubwa bukata, lintu Ndi nokwabuka ukwisa, Ndesubila ukubamona bonse balebengeshima, nge ntanda. Ba munyinane bandi pano, ba nkashi yandi, muno lucelo, cila umo ukumfwa icintu cimo cine. Bena bali ulubali muli ico, Shikulu, ukupitila mu mapepo yabo na mukupapatila, kibili nokwikatilila kuli Lesa; balepepa, balelanda kuli bambi, nokulanda apakalamba pa fintu ifyakwa Lesa.

⁴³ Kibili natucetekela, ileelo, mwe Lesa, nga cakutila kuli bambo pano abashilifye apo bafwile ukuba, nangu tabalati bapokelele Kristu ngefyo bengaba, lekeni ubu bube ubushiku ukutila umo uwabo uushifwa, Ukutila ubusalo bwa muyayaya bupangwe ubwa kubombela Imwe. Fikilisheni ico, Taata.

⁴⁴ Lekeni umwina Kristu onse, pano, lekeni imitima yabo ibilime mukati kabo, nokuya ku ncende imo, mu mpango namu misebo iikalamba, kabili nokuletamo imyeo yaluba, te mulandu nefyo ukuicefy a kwingaba bena baletamo umweo umo uyo uwingaleta ama millioni kunuma ya ico. Tatwishi be ico tulecita. Inshita shimo aba banyina abanono balesunguka, Shikulu, lelo tabeshibe ico balelandapo, lintu balelanda ku muntu umwaice, nangu umuntu umukalamba, nangu icintu cimo palwa myeo yabo. Fikilisheni, Shikulu.

⁴⁵ Nomba ingileni mu Cebo. Shikulu, Imwe mwaba mu Cebo. Kabili tupeleni icicetekelo ica kulenga i Cebo cibe ica mweo nokucita, ileelo, mu myeo yesu, mu mibili yesu. Pantu twaipusha ico mwi Shina Lyakwe kabili naku bukata Bwakwe. Ameni.

⁴⁶ Nshili uwashininkisha nga cakutila cali ni Dwight Moody. Nincetekela cali, kawanya wa nsapato uwaku Boston, ukutila ubushuku bumo... Umwanakashi umunono, munshiku isha kubalilapo ishaba Methodisti, alefwaya ukucitila Shikulu icintu cimo. Eico, alewasha, kabili asungile ulupiya lwakwe, alebula dolla imo na citika, Nincetekela, pakulenga kashimikila mukalamba ukwisa nokushimikila kuli ena. Kabili alesonkesha mwicinka, pali kota nangu icintu cimo, pali bulya ubshiku. Awemye mwicinka, abikamo i—icipuna icinono icakucapilapo, ukuba icipailo.

⁴⁷ Kabili kulangishafye imwe efyo caba icaanguka, kuli mwebakashi bapa ng'anda, nomba. Mwamona? Imwe matila, "Oh, Munyina Branham, nga cakutila Ine kuti nashimikila!" Taufwile ukucita ico. Iwe fye... Uli bunte. Iwe uli kongola; mu mweo obe.

⁴⁸ Kabili abulile utu pepala talembwapo, nokuya pa cifutu, alebilisha pakulongana, kabili nokulapela twena. Inshita yonse iyo umuntu umo aikata kena, baleposa pansi nokutila. "Kakunkuluka-wa mushilo! Uwapena!" Kabili nokwenda ukutwalililapo. Mwamona?

⁴⁹ Umulumendo umunono umukalambako aishile pitapo, ne tolosi ilya lepauka. Nafwala namakwelelo yakwa wishi pamabeya yakwe; no mushishi naufimba pa mpumi yakwe. Atile, "Namayo, cinshi ico ulepela?"

Atile, "Kapepala akalembwapo, we mwana." Akapele kuli ena, mu musango *ngoyo*. Aloleshe pali kena, atile, "Ine nshibelinga."

Atile, "Ukuba, kalelanda ukutila kwalaba ukulongana munshita ya bushiku pano." "Oh," atile, "bushe calaba? Bushe kuti wasakamana nga cakutila Ine naisa?" Atile, "Ngolefwaya? Iwe wise, wemutemwikwa, nga cakutila kuti wacita ico." "Nacilungama, Ndecita ico."

⁵⁰ Bulya bushiku, panuma yakubomba kakwe konse, nokunaka. Ulya kapyunga uwa cishinka aishile, nokunika

ku cintamba nokupepa. Aimbile ulwimbo, ena na namayo, kabili aikeleko nge bumba lyakwe.

⁵¹ Panuma yakashita, uwale pempenuka pa mwinshi, ali ni ulya umwaice umunono uwafwele ifyalepauka lepauka, nomushishi waleselela pa cinsو cakwe. Namwishiba untu uyo ali? Dwight Moody. Bulya ubushiku afukeme pa cipailo; nokutuma imyeo ama millioni kuli Lesa. Mwamona? Tawishibe ico ulecita.

Landafye ishiwi ilinono pali Yesu
Pela ubunte, wimbe ulwimbo, nangu ukupepa,
Kabili kwati ngo mukate uwaposwa pa menshi
Wena uli nokubwela kuli iwe ubushiku bumo.

⁵² Ico nacilungama. Cisuma. Ibukishafye, taufwile ukufilwa, taufwile ukufilwa; iwe ulete imyeo! Temulandu neco ulecita, uleleta imyeo. Ine—Ine ndi nensansa ukumona abantu pano, muno lucelo, tapali nangu umo uuli mukubulisha ifyakulya, nga fintu Njishibe pali ico; bonse nabafwala ifyakufala ifisuma, kabili muli aba busaka; abantu aba mano mukumoka. Ndi uwatotela apakalamba kuli Lesa, ukwishiba ukutila imwe muli muli iyo nshila.

⁵³ Naisa pano, ba cibusa, pa nshita imo, munshita yakutitikishiwa, lintu Nashimikile nimfwala ofoloshi. Kabili imwe mwaendele ba mailoshi abengi, pano, kabili mwapitile mu cal, kabili tamwakwete nefyakulya ifyalinga. Kabili Nalishiba. Ico nacilungama. Ndeibukisha ico. Lesa alitupala ifwe, kabili tuletotela kuli Ena, mwamona.

⁵⁴ Lelo muno lucelo, mwamona, ifyo mulemoneka abaibela muno lucelo, Ndetotela pali ico, lelo tamufwile ukuleka ico ukumilesha. Ibukisheni uko ifyo cafuma, fyafuma ku muulu. Kabili, mulete imyeo, Iyo iili nokwikalilila ku nshita pe. Kabili limbi icipanda icikalamba ica imwe limbi mwalikwata umwakusungila impiya umunono ku ncende imo. Ndi uwansansa pali ico, kabili lekeni Lesa fye apalishe ico. Lelo tamufwile ukuleka ico ukwiminina munshila yenu iyakuleta imyeo. Ico nacilungama. Musunge imyeo mukubalilapo.

⁵⁵ Nomba Nacilatontonkanya pali limbi... Naciupha Munyina Neville. Nangu, tamukwete amasambililo yamo ayakwisukulu lyapa Mulungu, eico twalafundishafye, ukufuma apali ponse, kabili apali ponse muli Baibebe. Kabili Nacilatontonkanya palwa kufundisha muno lucelo, lintu Nacilaisa, ilyo Nshilati njingile mu muputule, palwe, Buuku lya Kusokolola.

⁵⁶ Nomba Nacibukisha ukutila ubutantiko bwapa cilimba epo buli bulecitika ifya—ifya konkana ifya mwi Buuku lya Kusokolola. Charles Fuller, Nde tontonkanya, alepanga i—i buuku. Kabili Munyina Fuller musambi wakupalanya ifya mipepele palwake umwine. Kabili Nacitina ukutila limbi kuti twaba pamo muli ico, kabili naimwe mwalyumfwa kale fimo pali ico.

⁵⁷ Eico, nomba, Nacitontonkanya ukutila kuti twaya mwi Buuku lyaba Hebere. Lyena lisuma... Nibanga abatemwa i Buuku lyaba Hebere? Oh, lyena likalamba... Lekeni tuye pa chapita 10. Ndetontonkanya iyo ni chapitala iisuma. Nshishibe nga cakutila Nalifundishapo pali yena, lelo limbi nalicita, apa, ulubali lumo. Ilingi line tukwata ama versi yabili nangu yatatu, kabili nomba ico ninshi capwisha ico, kabili tutampa ukutwalililapo muli Baibebe.

⁵⁸ Namwishiba, inshita imo, lintu Naisa mukutusha, Ndakwatafyne insala iya kulundapo imo inshita, apo Mfwile naikala pe hema, nangu pa ncende pamo pano, kabili nokukwatafyne ifya tantikwa ifya kusambilila, nga fintu twalesenda Baibebe. Ukubafye pe Buuku limo, nokuyafye, nokupitamo ukufuma kunuma nokuya kuntanshi ukupita mu Malembo ngefi. Cena cibika nokulimba i Cicetekelo cesu. Ifi eyfo ifi ifyakusambilila fyabelapo, kulimba i Cicetekelo cesu.

⁵⁹ Nomba, mu chapitala 10 iya ba Hebere. Nshishibe umulandu, ukwikalafye mulya, Nacipilibulafye pali iyo. Kabili tulefwaya ukubelenga ukufuma apa, pesambililo ilinono, kabili nokufundisha lyena. Nga cakutila twaenda ukufika apa, twasanga ukutila twalisambililamo kunuma, nomba Ine ndi... tuleplibula ukuya ku ntanshi ukuya ku cintu cimbi, nangu limbi Shikulu aletutungulula ku cintu cimo cimbi.

⁶⁰ Nomba mwilaba pakulongana kwa bushiku pe hema pano. Munyina aleisa mukushimikila kuli ifwe munshita ya bushiku. Kabili nga cakutila namukwata ifibusa ifili fyonse ukuya monse mu New Albany kulya, pali Munyina Matheny, twalashimikila palya pakashita akanono munshita ya bushiku. Kabili nomba napali Citatu ubushiku.

⁶¹ Kabili Munyina Junior Jackson, Nacimumfwa "ameni" pakashita akanono akapitapo, lelo Nimfilwa ukumusanga. Kabili ali mucikulwa. Kabili ukushimikila kwakwe kukaba pali Cine ubushiku, kabili—kabili Nincetekela nakwata napa Mulungu ubushiku. Nikwisa uli, Junior? Tekuti nkusange. Oh, emulandu wine; wikele kunuma wa uyo umuntu umukalamba uko kunuma. Ukobe... Cinshi... Umulimo obe pali Cisa... Pamulungu ubushiku, pamo, bushe cili ifyo, Junior? [Munyina Jackson atila, "Ico nacilungama."—Kale.] Pali Cine napa Mulungu. Nacilungama. Kabili ukulongana kwakwe kuli munshita ya bushiku, kabili ali kulya mu musebo wa State Street, mu New Albany. State kabili ["Monroe."] Monroe.

⁶² Munyina Genther, wamona cena calia ni nshita iitali ukutula apo Ine nabelengle ama mita, nangu ukupekanya ukulongana ukuli konse. Nalilaba imisebo yonse. Lelo kwaliba i... Ncilifye uwa twalililapo ukutemwa Shikulu Yesu umo wine ulya uwali pamo naifwe lilya, lintu angafwilishe muli shilya inshiku.

⁶³ Nacilaeba munyina, pakashita akanono akapitapo. Naley a kulya lintu Naley ndebelenga ama mita, kabili noku konkonsha pamwinshi. Nokubelenga pali mita, kabili nalefumya Baibele yandi nokubelenga pakashita akanono, ilyo namayo talaisa pa cibi, icintu cimo icaba ngefyo. Kabili nokusanga icikulwa umushaba abantu icakale. Ifyo fine, imwe tekuti musange ifyo nomba, apo umuntu umo akukile afuma. Waya mulya, kabili wabwelelamo mucimfule nokufukama panshi nokupepa. Ico ecalecitika, ico e cintu ica pampamike ico kulya, ukuloleshafye pali Ena.

⁶⁴ Nomba, i Buuku lyaba Hebere e—ekwakanya pakati ka malango nokusenamina. Nibanga abeshibe ukutila ukutila twikalila ku kusenamina, kabili te ku malango? Nalicetekela kalemba...Takuli nangu umo uwaishiba bwino bwino. Lelo cena cili apakalamba nganshi kwati ni Paulo, mpaka Ine nalitemwa ukwita cena ukulemba kwakwa Paulo. Kabili alelanda kuba Hebere.

⁶⁵ Nomba, i Mbila nsuma yalile kale kubena Fyalo, pantu aba Yuda balii Ikene. Kabili baile ku bena Fyalo pamo ne Mbila nsuma. Kabili nomba Paulo alelemba ukubwekeshamo kuba Hebere pantu abengi pali bena balefwaya ukubwela pesamba lya malango, ukusunga amalango, kabili nokutwalilila ukucetekela muli Kristu.

⁶⁶ Kabili, namwishiba, ico epocaba ne leelo. Kwaliba abantu ileelo abo abesha ukusunga amalango yamu Cipangano ca Kale, kabili nokutwalilipo ukuba abena Kristu, ilyo limo lyaliba ilyapusanako apakalamba kulinankwe. Nga cakutila iwe wacitafye ulubali lumo ulwa malango, uwfile wacita yonse. “Iwe uli wa nkongole,” efyo Baibele yalandia, “ukucita yonse amalango,” eico, nga cakutila wacitafye ulubali lwa yako. Kabili, nomba, nga cakutila wasunga amalango, nge lambo, kabili na masabbata, kabili nefyakucita, kabili nokulya, kabili nokusamba, nefyaba ngefyo, pesamba lya malango.

⁶⁷ Lelo ifwe tatuli pesamba lya malango nomba. Twaba pesamba lya kusenamina. Kabili Paulo aleesha ukulangisha apo amalango yali cinshingwa. Nomba, ku kutendeka, apa tulemona ico.

Pantu amalango pakukwata icinshingwa ica fintu ifisuma ifili nokwisa, kabili tecilya cine icipasho ica fintu, tekuti pamo nayo amalambo ayo balepela umwaka no mwaka ukutwalilila ukupanga uwaisa ukwingila mukupwililika.

⁶⁸ Oh, owe! Bushe ico teti cipange isambililo palya pene? Mwamona? Mwamona? Nomba, amalango yali cinshingwa ica fintu ifyali nokwisa.

⁶⁹ Lekeni tufike apa, pakashitafye akanono. Isuleni pamo naine ukubwelela ku...Nincetekela cili mu chapitala 12 iya

Kusokolola. Natuye kuli cilya pakashitafye akanono, nokumona nga cakutila ifwe tekuti tukwatefyenaka aka cintu icisuma apa penefye, icakubalilapo, tontonkanyeni pa “cinshingwa.” Nomba natu—natubelenge nakabili, nomba, imwe muli Baibele yenu.

Kibili mulya mwamoneke icisungusho icikalamba mu muulu; umwanakashi . . .

⁷⁰ Cinshi ico *umwanakashi* emininako muli Baibele? Chalichi.

. . . umwanakashi afwele akasuba, (ico e cali icakufwala eco afwele, mwamona), kibili no mweshi pesamba lya makasa yakwe, kibili napa mutwe wakwe pali icilongwe ne ntanda ikumi limo na shibili:

Kibili ena pakuba no mwana abilikishe, mukukalipa kwa kupapa, kibili akalipwe pa kupapa.

⁷¹ Moneni, umwanakashi amoneke mu makumbi, ku—kucimona cakwa Yohane kasokolola. Kibili na . . . Afwele akasuba. Kibili no mweshi wali pesamba lya makasa yakwe. Kibili akwete intanda ikumi limo na shibili mu cilongwe cakwe.

⁷² Nomba cinshi ico cileimininako? Ifimonwa fya kwimininako. Nomba, umwanakashi e chalichi. Kibili ichalichi cali. . . Umweshi wali pesamba lya makasa yakwe. Mu mashiwi yambi, wena watwalililepo ukubengeshima, lelo ena ali pa muulu wa uko. Pantu, ena kale ali mumibele iyakutila ena alefalya umwana. Alekalipwa mukupaapa. Kibili no mweshi walepita ukuya, kibili akasuba kalebengeshima. Nomba, umweshi uli. . .

⁷³ Cinshi icipanga ulubuuto lwa mweshi, kasuba ukubengeshima pali wena. Wena cinshingwafye ca kasuba. Kibili, eico, umweshi waikeli mpaka akasuba kapwa, kibili akasuba kaleima. Umwanakashi tafwele umweshi. Afwele akasuba; cena ni Mbila nsuma iya chalichi ukwisa mukubapo. Ichalichi icakale ica ba Orthodox. . .

Nomba, imwe mwatila, “Ukuba, bushe cilya cali ni Orthodox?” Ee.

⁷⁴ Yesu mukubalilapo aishile kuba Yuda kibili teku bena Fyalo. Mwamona? Ena, Ena apele umulimo ku basambi Bakwe ukukanaya ku mwina Fyalo uuli onse. Atile, “Aishile ku Bakwe bene, na Bakwe taba Mupokelele iyo.” Cinshi? Atile, ilyo Abapele umulimo bena, mu chapitala 10 uwakwa Mateo Washila. Atile, “Mwiya mu nshila ya bena Fyalo, lelo ukucila myue ku mpaanga ishaluba ishakwa Israele. Kibili ilyo muleya, muleshimikila, nokulanda ukutila u Bufumu bwamu Muulu nabupalama.” Mwamona? “Tamuufwile ukuya mu nshila ishamu musumba wa Samaliya, nangu muli yonse inshila ya shala, lelo mukubalilapo myue ku mpaanga ishaluba ishakwa Israele.”

⁷⁵ Uyo emulandu ubukata bwa lubuuto lwa kasuba lwalebengeshima ukushinguluka umwanakashi. Kibili na ena, pakuba mukukalipwa, ukucula, pakupaapa uyu Mwana.

Kibili afyele umwana umwaume, uyo uwali no kuteka ifyalo fyonse ne nkoto ya cela: . . .

. . . kibili necing'wena caiminine kulubali lwa mwanakashi ico icali ni (Rome) ico icali nokonaula u mwana lilya linefye afyelwe.

⁷⁶ Kibili Rome apakese u Mwana. Batumine nokwipaya bonse abana, ukufuma pa myaka ibili ukuya pa muulu. . . nangu, imyaka ibili ukwisa pe samba, ukuba, ukutila bena limbi kuti baipaya Kristu, noku Mwikatila mulya. Herold ewapangile aya amalamuno.

. . . lelo umwana wa mwanakashi asendelwe ukuya kuli Lesa, . . .

⁷⁷ Ukufuma ku kubuka, “asendelwe ukuya kuli Lesa, kibili aikala ku kuboko ukwa kulyo ukwakwa Lesa.” Nomba, ico kutifye calekelako isambililo lya uli onse “umwana umwaume”, bushe ico tekuti cicite ico? Mwamona?

⁷⁸ Lelo nomba, “Amalango,” aba Hebere 10 nakabili, “pakukwata icinshingwa ica fintu ifyali nokwisa,” kibili te cilya cine icipasho, lelo icinshingwa.

⁷⁹ Nomba, ubushiku bumbi, Nalelanshanya pamo no muntu umusuma nganshi, pe sambililo lya myaka Ikana limo. Natile, “Nacetekela mu myaka Ikana limo, pantu paliba ifinshingwa ifingi ifya mu Cipangano ca Kale ifyo ifilandu ukutila kuli nokuba imyaka Ikana limo. Kufwile kwaba. Ifinshingwa ifingi nganshi!”

Batile, “Bushe i Chalichi cikapita mu Kupakaswa ukukalamba?”

⁸⁰ Natile, “Iyo. I Chalichi teti cipite mu Kupakaswa kukalamba, Cena cili nokuya ilyo u Kupakaswa kukalamba takula citika. Finshingwa ifingi nganshi!” Lolesheni, ukutila, Noa, mukutendeka, Noa. . . “I Cipangano ca Kale conse, amalango yonse, nomba, yali cinshingwa aya fintu ifisuma ifyali nokwisa.”

⁸¹ Nomba, ilyo inshita ya kupakaswa kukalamba takulafika, mukubalilapo, Enoki, u. . . Noa, Noa ewali icakupashanya ico icasendelwe ku ntanshi, kwati ni banacisungu abalele, lelo Enoki asendelwe ilyo fye ukupakaswa kukalamba takulacitika. “Kibili Enoki asendelwe mu muulu, kibili tasangilwe, pantu Lesa amusendele,” icakupashanya icakusendwa ukwa Chalichi. Kibili Noa ali mumwene. Lintu amwene Enoki aya, alishibe ukutila yali ninshita iyakwingila mubwato, pakusendwa ukupita mu kupakaswa kukalamba.

⁸² Baibele Itila, “Kwali ba nacisungu ikumi abaile mukukumanya Shibwinga; kibili basano bali abamano, na basano bali ifipumbu. Kibili bonse bali nibanacisungu, cila umo pali bena. Lelo basano bali aba mano, kibili bakwete Amafuta mu nyali shabo. Kibili bafumine nokuya kumanya Shibwinga. Kibili Shibwinga aishile, kibili balya abakwete Amafuta baingile mukati.” Mwamona, ukupakaswa kukalamba, ukuya pamo na Shibwinga.

⁸³ Lelo balya abashele kunuma, baishile no kufwaya ukwingila mukati, pamo. Kwatifee nibalya abaishile noku konkonsha pa cibi ca bwato, “Noa, tuleke twingile,” lelo Lesa aisele icibi.

⁸⁴ Kibili, oh, cibusa wandi, bumo pali ishi inshiku, Lesa ali nokukupela ukwita kobe ukwa kulekelesha. Nomba icibi cili nokwisalika, pakati akaluse no bupingushi. Iwe wikashala. Ingila mukati nomba ilyo iwe wingacita. Taufwile ukumfwa ico isonde lilelanda. Iwe wingile muli Kristu. “Pantu bonse abo ababa muli Kristu Lesa akabaletela pamo na Ena.” Mwamona?

Nomba, aba banacisungu ba mano baile, mu kusumbulwa.

⁸⁵ Kibili naba bambi abaishile noku konkonsha pa cibi, cinshi icacitike? Cinshi icacitike? Baibele itila, “Bena baposelwe kunse mu mfifi iya fitisha, mulya umwali ukulila nokulosha nokusumanya ameno.”

⁸⁶ Israele, lintu ukupakaswa kukalamba kwaumine pali Egypto, takwali icintu nangu cimo icatalile acipuma pali Egypto...abena Israele, pantu bali mucifulo icakwa Lesa icapelwa, mu Gosheni. Tamwali ukupakaswa kukalamba nakalya. Mwamona? Bonse abashala bali mukupakaswa kukalamba, lelo te uyu umo.

⁸⁷ Nomba, fyonse filya ifintu pakuba ifinshingwa, fifwile fyapashanyapo icintu cimo. Kibili nomba lintu tulemona ukwihila libela ukwaka Shikulu, tulemona ifyo abantu baendele muli shilya inshiku, nokumona ifyo abantu bali. “Abaitumika, aba mano yakuyumfwa, abatemwa ukwangala ukucila ukutemwa Lesa.” Iyo e nshila cibelelemo ileelo. Abantu baleenda umwabela ulunkumbwa lwabulamo bulesa abene. Ico nacifika napa cintu...Eleleni uku ukulanda, ba nkashi yandi. Lelo cena nacifika, mpaka, imibele iisuma yaba icintu cimo icapita akale, pakati ka bantu besu.

⁸⁸ Mailo, mu Chipatala ca Saint Edwards, Naumfwile dokota alelandia ububi umukashana kulya. Afikile pa ntampulo Ine nali nokuposhanya nankwe mu maboko yakwe, umuntu onse mu cipatala alekutika, alelolesha. Kwali umukashana kulya, nafwala shimo ishi insalu ishinono, ishakale ishabulamo bulesa, kwati tu toloshi tunono.

⁸⁹ Imwe mwalihiba ico Baibele yalande palwa ico? Atile, “Camuselu mu cinso cakwa Lesa, ku mwanakashi ukufwala amatoloshi ngo mwaume.” Nacilungama.

⁹⁰ Kibili ali palya, aleenda-... Dokota atile... Umunono, umuntu walemana. Nalimwishiwa, lelo Nimfilwa ukwibukisha ishina lyakwe. Atile, "Bushe ulepilibula ukunjeba ukutila ba nashi bakusuminishe ukwisa ingila muli ici ichipatala ngefyo?" Atile, "Malandu nshi, uli ca musebanya ku chipatala. Fuma pano."

Natile, "We mulumendo, Ndefwaya nkuposhe mukuboko kobe." Icine cine.

⁹¹ Atile, "Nimumusango nshi wacitala ukwingililamo ku ntanshi? Bushe tauleumfwa insoni palobe, ukwisa muno naufwala ngefyo?"

⁹² Natontonkenye, "Oh, munyina, ico nacilungama." Ndakumbwa umuntu uukwata ukushipa ukukalamba ukwita icalungama "icalungama," icalubana "icalubana," temulandu untu ena ali. Mwamona? Lelo, icintu icakuba ne mibebe iisuma, oh, lekeni Ine...

⁹³ Mwalanjelela, bushe tamwacite ifyo? Ndefwaya ndekele apa pakashitafye akanono. Nomba, Ndefwaya, limbi ngolole ici bwino pakanono fye, cibuswa wandi uwatemwikwa. Witontonkanya ukutila Munyina Branham aleesha ukuba uwakukana kwata umucinshi. Nshili ifyo. Ndeesha fye ukulanda icine. Kibili neco Naishiba, ukutila kwishilya kulya mu Bukata, ubushiku bumo, nga cakutila Namona umweo obe naonaulwa, kibili Naishiba ukutila Nine neulengele ico, kibili mukwishiwa i Cine nafilwa ukukweba Ico. Iyo, Ine mfwile nacifumya pa mabeya yandi, nokucileta payobe. Iwe pakutila wapanga ubusalobobe.

⁹⁴ Abanakashi besu abo abafwala nga filya, balikata umupashi uwakowela. Mwamona? Kulifye icintu cimo mu Malembo ico icacitile ico. Ico cali ciwa, cafulile abantu. Lolesheni. Nomba, Nshilepilibula ukutila imwe muli bamibebe iyabipa; Nshilepilibula ico, ba nkashi abatemwikwa. Lelo imwe mulifye mu mibebe iya mu bushiku buno, munshila yakuti, mpakafye imwe mwacitafye... Muletontonkanya cena cisuma pantu bambi balacita ico, kibili imwe tamwiluka ukutila ulya ni ciwa eulecita ico. Icine cine, cena cili. Imwe tamwaishibikwa. Imwe mwalipena. Eleleni iyo milandile. Ukuba ico nacilungama. Ndepilibula, imwe mulefumyako icintu kuli Lesa.

⁹⁵ Oh, u Mupashi wa Mushilo uwakwa Lesa, taufwaya lyonse ukulwishanya no muntu. "Tafwaya ukuti onse kuti aonaulwa, lelo ukutila bonse bengesa mukulapila." Kibili Lesa alatupela ukushipikisha, mu bushiku ubwakutila lintu bakashimikila... Apa epo catampile, nipamulandu wakutila kakumba wenu, pa cintamba, alasuminisha ico. Ico nacilungama. Iwe ufwile wafumishiwa kwi senge. Nga cakutila Nalikwete ichalichi, na banakashi bacita ico mu chalichi, palya penefye kuti bafuma mwi buuku lyamu chalichi. Ee, mukwai. Palya penefye, mpaka

iwe walungika bwino, watampa bwino. Lesa alabalenga ukuba abashingamwa. Lelo, ileelo...

⁹⁶ Naile ku Saint Joseph. Lyonse ndaba pali aba ba lamya batumwa ukufuma mufipatala, ifi ifya kwangufyanya. Naile kulya mukumona umwana munono, uwalefwa, kwipwalonda... nangu mu bwafya bwamfyo; bafumishe ulufyo lumo, pa nshikufye shibili nangu shitatu ishapitilepo. Kabii nefyo ulya umuntu munono umulanda... Kibili Namwene, mu chipatala ca Katolika, ababa abasuma nganshi kibili bakapela.

⁹⁷ Naile ku chipatala caba Protestant. Kwali namayo uwalefwa, kibili Naendele ukuya palya nokubikapo amaboko yandi. Shimapepo, uwaiminine palya, atile... Kibili Nalefwaya eshibe ukutila Nali mucilonganino cimo ico alimo. Atile, "Huh! Iyo! Wiesha, wiesha, mwiesha! Wiesha ukucita ico. Wiesha ukubika ukuboko kobe pali ena."

Natile, "Baibele eyaland."

⁹⁸ "Ah, fuma!" Atile, "Ico icintu tacawama. Iyo, tatulefwaya iwe ukubika amaboko yobe pa muntu umulwele muno." Moneni ifyo caba?

⁹⁹ Kibili uyo wine e mulandu ichalichi ca Katolika cilebaminina, ukupitila mu makana. Ico nacilungama. Pantu, ba Protestant tabatala abengila mukushika ukukalamba muli Lesa ukukwata ukwishiha, ukwishiha ica cine, munshita yakale, ipusukilo lyaleumfwika mumutima, a Maka yakwa Lesa, yaba. Iyo e kalashi lyenu ilishapwililika. Kibili apo epali ikalashi lyenu ilya isula, ililolela pa Kwisa kwakwa Shikulu. Ameni. Mwaumfwa.

¹⁰⁰ Moneni, "Amalango pakukwata icinshingwa." Ifintu fyonse ifyo tumona nomba finshinga, fyali finshingwa, kibili nomba fileba ifituntulu. Pamofye nge cimuti icilekula, kibili caisa kwata imisambo; kibili caya mu lubuto, ukupanga umusango umowine uwa lubuto lulya ulwaingile mu munshili. Fyonse ifi fintu fyafuma ku Kutendeka. Kibili ileelo, nomba...

¹⁰¹ "Lelo aba bakapepa, abo abaishile pesamba lya cinshingwa, tabali nokuba abapwililika." Lekeni tukokolepo pali ilyo ishiwi palya.

...bena bapele umwaka no mwaka ukutuvalilila
ukulenga ulya uwaisa ukuba mukupwililika.

¹⁰² Ndefwaya imwe nomba... Bushe tamwaumfwa, imiku iingi, abantu batila, "Oh, takwaba nangu umo uwapwililika"? Ico nacilungama, iwe teti ube uwapwililika mu cinsö ca muntu munobe.

¹⁰³ Lelo ufwile waba uwapwililika, nangu iwe tekuti uye ku Muulu. Cisuma. Baibele itila, Yesu alandile, muli yalya amapalo, muli Mateo; atile, "Beni abapwililika, nangufye ifyo fine Taata wenu uwa mu Muulu aba uwapwililika." Nomba, imwe mufwile

ukubafye abapwililika nga fintu Lesa aba, nangu imwe ninshi mwataluba. Nomba nimu musango nshi muli nokucitilamo ici? Mwamona?

¹⁰⁴ Nomba, icilubo icinono, kabili iwe waluba; ukukapafye kumo ukwa linso, kabili naiwe wasendwa; pantu takuli nangu cimo icingengila muli shilya i Ncende kano “ukupwililika.” Lesa abikile Satana pa muulu Palya, pa nshita imo, nga Malaika, uyo uwali u Mwana wa Lucelo, kabili abulile ifintu ifisuma ifyakwa Lesa nokupilibula fyena ukufitwala mu fyabipa. Lesa aliba uwashininkisha ukutila takuli nangu cimo icili nokwingila Mulya ico icishakatale acicita ico nakabili. Mwamona?

¹⁰⁵ Nomba, iwe uwfile ukuba uwapwililika. Yesu atile, “Imwe eico beni abapwililika, nangu fye ifyo Taata wenu uwa mu Muulu aba uwapwililika.” Nomba, nimu musango nshi iwe uli nokubelamo, lintu iwe utwalililapofye ukubembuka, lintu iwe utwalililapo ukucita ico icalubana? Nomba, ici cili no kubikako icintu icinono icapetama muli ba ndubulwila, lelo, moneni. Te ico cintu iwe ucita; ni cilya ico Lesa acita. Te cilya iwe ucita; nico ico Ena acita. Mwamona? Iwe tekuti ube uwapwililika; tekuti ube, muli iwe we mwine. Lelo, muli Kristu, waliba uwalengwa ukupwililika. Iwe taufwile ukucetekela mu milimo yobe ine iisuma, nangu ichalichi cobe cine wabamo, lelo iwe ucetekela mu Mulopa uwa sumine uwakwa Shikulu Yesu. Mwaumfwa. Ico ecilenga iwe ukuba uwapwililika. Apo epakoba icicetekelo cobe.

¹⁰⁶ Nomba, pa bundapishi ubwa Maka yakalamba, munshila imoine. Ine nshicetekela munshila Ine ng’umfwilamo. Nga cakutila Nacitile ico, nga Naciba mibusanshi, muno lucelo. Lelo Ndecetekela pamulimo Wakwe uwapwa. Alandile ico; Alaile ico; Nalicetekela ico. Mwamona? Efyo caba. “Eico beni abapwililika.”

¹⁰⁷ Nomba, oh, lekeni tubulefye icinono ukubika kulubali lomo, icintu cimo ca cifungulula mu mutima wandi. Lekeni imipushe icintu cimo. Ifwe tuleikala mu bushiku bwa bupingushi nomba, te Bupingushi bukalamba, lelo ukwitwa ukufuma ukwa Chalichi. Mwalicetekela ico? Tuleikala mu nshiku isha kupatulula. Kwaliba i—icisasa, u—ukupatulula kwa mutundu uko ukwaesha ukwima mu calo. Ico cintu cabulamo amano. Lelo kwaliba inshita iituntulu iya kupatulula; icalungama ukucifumya ku calubana. Lesa alapatulula abantu Bakwe, alabeta ukufuma. Bushe mwalihiba, ishiwi ililine *ichalichi* cipilibula “abapatula; abaitwa ukufuma; abapatuka”? Amen. “Fumeni pakati kabo,” efyo Baibele yalande, “mwiba abakumako kulubembu lwabo kabili nakukukowela kwabo, kabili Ndi nokumipokelela kuli Ine nemwine. Kabili imwe muli nokuba abana bandi abame nabana bandi abanakashi kuli Ine, kabili Nkaba Lesa kuli imwe. Fumeni!” Yena ni nshita iya kupatulula. “Kabili apakalamba nganshi ilyo mwamoa ubushiku bulepalamina.”

¹⁰⁸ Ichalichi ico pa nshita imo caeseshe ukwenda, bena baipangile icilonganino palwabo abene, kibili nomba bena baba mu kampani kamo akakalamba akakwikala nge sonde. Mwamona, pamofye ngefyo Baibele yatile bacitile ico mu Cipangano ca Kale, eico bacitile, abengi pali bena. Lesa abetile ukufuma, abalangishe ifisungusho ne fipesha mano, kibili nenkulo yonse yaonawilwe mu matololo; panuma bamwene ifisungusho, panuma Lesa acitile ifisungusho pali bna, panuma bamwene ubukata bwakwa Lesa. Lelo, mu mitima yabo, bali abashacetekela, abaleing'wintawila kuli Lesa, bakailishanya. Lesa atile fye, "Ipatule we mwine, Mose." Kibili Atampile inkulo iipyia, iya kubatwala mulya mu calo ca bulayo.

¹⁰⁹ Moneni. Nibanga muno lucelo bena Kristu? Bushe kuti mwaimyako amaboko yenu, imyeni fye amaboko yenu pamuulu, "Ine ndi mwina Kristu." Lesa alumbaniwe, ukutila iwe uli mwina Kristu. Bushe mwaishileba shani abena Kristu? Pantu mwatile, "Ine—Ine ndefwaya ukuba umwina Kristu"? Pantu imwe mwafwaile Lesa, ne filamba? Pantu Lesa, ukupitila mukusenamina, aitile imwe. Ico nacilungama. Te pa mulandu mwafwaile Ena; nipamulandu Ena afwaile imwe.

¹¹⁰ Nomba, nga kuti mwamona, kulubali lwaba Baptisti, nangu kuli ba Presbyteriani, ukucetekela kwaba Arminia, bonse balaya ukuba ulubuto. Batila, "Ukuba, nga cakutila Lesa ewanjitile, alleluya, ninshi Naba uwalungama. Ine kuti Nacita ico ndefwaya ukucita." Ico cilelangisha ukuti iwe tawakwata ico, kibili tawaitwa. Ico nacilungama. Nga cakuti Lesa alikwitwa, iwe uli noku Mutemwa mumaka yakalamba, ifintu ifya mwisonde kuti fyaba ifyafwa kuli iwe. Ico nacilungama.

¹¹¹ Umulumendo uwikele kulya kunuma uuleambula pali tepu nomba. Acinjipwa, pakwingila, ico icili candi...umo pa bwananyina bandi, Mista Mercier. Kibili alacita ifya kubika i Mbila pama tepu mukulongana, na cibusa wake; Leo kibili—kibili na Gene, pano. Leo acitila kuli ine, ilyo nacilaisa muno lucelo, acitila, "Munyina Branham, nicisa ica balilepo; icicetekelo kuleta ukutemwa, nangu ukutemwa kuleta icicetekelo?"

¹¹² Nacitila, "Ukutemwa kuleta icicetekelo. Te cicetekelo, lelo kutemwa. Iwe ufwile watemwa, mukubalilapo, ilyo taulati ukwate icicetekelo."

¹¹³ Eico, nga walanda ukutila walikwata icicetekelo, kibili tawatemwa Lesa mulibulesa icicetekelo cobe cafye. Mwamona? Iwe ufwile watemwa Lesa. Eico, kuti wayampanya ku ma chalichi yonse mu calo, nokucita icili conse ico wingafwaya, nokupanga ukulanda konse uko wingafwaya; lelo nga cakutila tapali umutuntulu, uwacine, Mupashi wa Mushilo, ukutemwa kwa fufyalwa cipyapya cipyapya mu mutima obe ukwa kuli Lesa, ukucetekela kobe kuli apafye. Te mulandu nefyo wingalandia

ukutila wacetekela Lesa, ico tacikwete nangu cimo icakucita neco. Cena cifwile ukufyalwa mu mutima wa muntu, ninshi naukwata u Mweo wa Muyayaya, tekuti upatululweko kuli Lesa.

¹¹⁴ Nomba, nga cakutila twacikwata inshita ukumona abengi pali imwe tamukwete ba Baibele, lelo mulya mwi Buuku lyu Kusokolola. Kutikeni nomba. Fwaleni utusote utwa kutontonkanya nomba, isulen iimitima yenu. Ndefwaya ukulandapo icintu cimo apa nomba. Ndefwaya imwe mukutikishe, ilyo Mupashi wa Mushilo ali mupepi.

¹¹⁵ Baibele itila, mu Kusokolola, ukutila, munkanyakristu akesa mu bushiku bwa kulekelesha, kibili ukutila akaba uushakwata mucinshi nganshi. Kibili mulya muli Mateo Washila, pamo, chapitala 24, Yesu alelanda, atile, “Lintu mukanya kristu akesa, ukutila ena—ena ali nokuba mupepi nganshi, kwati kubomba ukwa cine ukwakwa Lesa, mpaka kuti abepa naulya wine u Wasalwa nga kuti cacinwa.” Moneni, “Ukubepa ulya wine u Wasalwa . . .”

¹¹⁶ U “Wasalwa,” nikwisa uko afuma? Ukufuma kwi shiwi ilya “Kusalwa.” “Ena kuti abepa ulya wine u Wasalwa nga cingacitwa.” Mwamona? Lelo tekuti cibe. Lesa Alumbaniwe pali ico! Cena tekuti cicitwe.

¹¹⁷ Kwati mu ba Hebere, chapitala 6, Atile, “Cena tacingacitika kuli abo pa nshita imo aba puputwilwe, kibili balipanga uku kumako ku Mupashi wa Mushilo, kibili balisonda pa fyabupe fyamu muulu, kibili napa maka aye sonde ili nokwisa, nga cakutila kuti bapilibuka nokuilenga cipyap cipyap abene pa lwabo ukuya ku kulapila.” Cena tacingacitika. Tekuti cicitike. Ico nacilungama. Cena kuti capashanishiwa. Cena kuti kwaba ukuilenga ukuba. Abantu kuti bacita kwati bali *cakuti-na-cakuti*, kibili kuti baba abasendwa ne cintu conse icinono.

¹¹⁸ Lelo umuntu uyo uwafyalwa ku Mupashi wakwa Lesa, umulimo wakwe—wakwe wabikwa ukulola ku Lutanda Iwaku Kapinda kakukuso. Alleluya! Kibili yonse imbo tekuti imusunkanye. Ico nacilungama. Nshilelanda ukutila tekuti apange ifilubo. Nshilelanda ukutila teti ashelemuke nokuwa. Ico nacilungama. Lelo lilya line fye abwela aiminina pamakasa yakwe nakabili, amenso yakwe yabikwa pa Lutanda kwi shilya, kibili alenda nokutwalilila. Icine cine. “Uwasalwa!”

¹¹⁹ Nomba, Baibele yatila, kibili Ninjishiba ico e Cebo cakwa Lesa wa mweo. Baibele yalandile ici. Kutikeni nomba. Mwamona? “Kibili iciswango, na kasesema wabufi,” k-a-s-e-s-e-m-a, umo. “Kibili ne ciswango,” na maka. Patatu uba kumbo; pamofye nnga bupatatu ubwakwa Lesa. Nomba moneni.

*Kibili ena alengèle bonse, babili abaice...
abakalamba, abakankala nangu abalandà, abasha
nangu abantungwa, (abaume nangu abanakashi,*

umwaume nangu umwanakashi, umwana nangu onse untu cingaba) . . .

. . . ena alengele bonse, babili umunono no mukalamba . . . ukupokelela icishibili pa . . . pa mpumi, kibili balikakatikwa mu bufumu ubwa mfifi.

¹²⁰ Nomba pali ifikakatikilo fibili ifilecitika ileelo. Kibili tamwishiibe fye ni nshita nshi . . . Oh, munyina, lekeni ici ciye mukushika. Tamwishiibe inshita, ukuti imwe mwebali pa mupaka ileelo, muli nokupanga ubusalo bakulekelesha ico nacilungama. Ico nacilungama. Teti mulande pa nshita iitali. “Umupashi Wandi tauli lyonse nokutintana no muntu.” Eico, limbi kuti walanda pa nshita iitali pakashita akanono. Lelo, “Umupashi Wandi Lyonse tauli nokutintana no muntu,” pakuba pa mupaka.

¹²¹ Moneni, icishibili ca ciswango ecishibili cakukana cetekela, ica ciwa, imilimo yakwa ciwa. Yesu atile, “Ukupitila muli bu membala bwa chalichi”? [Ulukuta lwatila, “Iyo.”—Kale.] “Ukupitila mu masambilo yafya mapepo”? [“Iyo.”] “Ukupitila mukwishiiba kwaku seminale kwabo”? [“Iyo.”] “Ukupitila mufisabo fyabo muli nokubeshiba.”

¹²² Nomba, eico, icisabo ca Mupashi wa Mushilo kutemwa, ukusangalala, umutende, ukukokola ukukalipa, ubusuma, ukunakilila, ukutekanya, ubupete. Ifyo e fisabo fya Mupashi. Kibili, fisabo, ico e cishibili ca Mupashi wa Mushilo, ukulangisha ukutila a Maka ayakutemwa nayakoba mu mutima, kibili ne fintu ifya mwisonde nafifwa.

¹²³ Nomba, ululembo lwakwa ciwa, kuipashanya; imilimo, tekusenamina. Imilimo iba icinshingwa ca fintu nokwisa; bu myalu myalu, ukulaya ku chalichi, ukupashanya ukuba umwina Kristu; ukwikala nge sonde, ukukwata ukumfwana ne sonde, ukufuma kibili nokucita kwati li sonde. “Kibili ifyaba ifya palamina nganshi,” mpaka imbali shose shibili shili nokulamoneka isha lingana, “nokubepa ulya wine u Wasalwa . . .” Apa pali membala wamu chalichi, alaya ku chalichi Lyonse; umuntu umusuma nganshi, alaya ku chalichi; umuntu umusuma, mumibele isuma aliba bwino. Lelo, cibe, ukuya mulya mukushika ukwa mukati ka buntu bwabo, tamwatala amuba ukwishiiba kwakwa Yesu ukwikala.

¹²⁴ Lolesheni pali Esau na Yakobo. Mulandu nshi, Esau alicililepo imiku ibili ukuba umusuma pali Yakobo. Icine cine, ali. Lelo, Yakobo alikwete icintu cimo, “Euntu bali nokupela icilambu.” Alimwene shilya insambu shacifyalilwa, kibili acipendele ukuba icintu icakulishapo pe sonde.

¹²⁵ Kibili, ileelo, tulesha ukupenda ukuya ku chalichi, ukumfwa Dokota *Wakuti-na-wakuti* nangu Munyina *Wakuti-na-wakuti* aleshimikila, nokucita ifintu ifyaba ngefyo, nangu ukuyampanya ku chalichi icisuma ne bumba ilisuma

ukutwalilila, ukupuputulwa ukusuma. Twita cilya ukucita icintu cimo icisuma. Ifyo tefyo caba.

¹²⁶ Lesa alolesha mu mutima. Kibili, umutima wakwa Yakobo, tacasakike ico icintu conse icaishile nangu nokuya. Kwali ubukabilo bumo ubwa maka ubwali pali ena, ubo bwali, kupoka bulya ububeli.

¹²⁷ Kwaliba uacetekela uwa cine, ileelo. Lekeni isonde likwite conse ico bengafwaya. Leka balande ukutila iwe walipena, nga balefwaya. Baitle Yesu, “Beelzebub.” “Kuti bafika pesa mukukwita,” Atile. “Imwe mwalipalwa lintu abantu bamipakasa, nokulanda onse umusango wa bubi ukulola kuli iwe, uku kubepesha ubufi, pamulandu Wandi. Usangalale, kabili nokuba uwansansa ukucilapo, pantu cikalamba icilambu cobe mu Muulu, pantu bapakese ba kasesema ilyo iwe taulabako.” Mwamona ico?

¹²⁸ Nomba, i Cikakatikilo cakwa Lesa ni cinshi, Nomba? Abena Efeso 4:30, itila, “Mwilenga ubulanda Mupashi wa Mushilo.” Cinshi? Abena Efeso 4:30, kuli imwe mwebalekonka ico. “Mwilenga ubulanda Mupashi wa Mushilo.” Nomba, Ninjishiba abantu bamo batila *nici*, nangu *cilya* nangu *cimbi*. Lelo, e mulandu, Baibele itila, “Lekeni ishiwi lyonse ilya muntu lie ilya bufi, ne Lyandi libe ilya cine.”

¹²⁹ Bamo batila, “Ukusunga inshiku, e cishibilo.” Na bambi batila, “Ukucita *ici* e cishibilo.” Kabili bamo batila, “Ukuba inte ya *ici*, e cishibilo.”

¹³⁰ Lelo, Baibele yatila, “Wikalifya Mupashi wa Mushilo uwakwa Lesa, kuli uyo wakakatikwa mpaka ukufika naku Bushiku bwa bulubulo.” Pa nshita nshi? “Mpaka no Bushiku bwa bulubulo.” Kuti cacitwa shani?

¹³¹ Bushe Lesa kuti apanga icilubo? Bushe kuti Apela umuntu Mupashi wa Mushilo... Kibili Ena ukuba uusangwa konse konse, alishiba ukufuma ku kutendeka ukufika ku mpela, kuti apela umuntu Mupashi wa Mushilo, nokumulaya u Mweo wa Muyayaya, kabili nomba nokupilibuka, noku Cifumya pali ena? Ico kuti camulenga Ena ukukwata apakupelela, kwali niwe naine, ukuba abakupanga ifilubo.

¹³² Lelo, ukutotela kube kuli Lesa, Taata wesu uwa mu Myuulu tapanga ifilubo. Ena... Icine cine. Tekuti apange icilubo. Ukufuma ku kutendeka, Alesangwa konse konse; kabili Ali nokuba, naku mpela. Tekuti apange ifilubo. Aba uwawililika.

¹³³ Moneni, nomba Nalabwela kunuma ku—kuba Hebere nakabili. Nomba, “Imwe eico beni abapwililika.” Nomba Nalatolokela ukuya nomba kabili ukuya mu Kusokolola.

Kibili ena alengele, bonse, babili...abakalamba, (abakote, abaice, abaume na banakashi)...abasha na

bantungwa, *ukupokelela icishibili pa mpumi shabo, napamaboko yabo:*

¹³⁴ “Kibili abepele bonse ukufumyakofye abo amashina yabo yalembelwe mwi Buuku lya Mwana wa mpaanga ilya Mweo.” Abepele bonse pe sonde lyonse, ba kapepa ba bufi. Apokelele umwina Kristu uiipashanya. Abepele membala wamu chalichi. Abepele umuntu uwamibele isuma. Abepele umuntu umusuma. Abepele abo bene abetwa bakashimikila. Abepele uyo uwitwa umwina Kristu.

¹³⁵ Abepele bonse abakwete ifyakulanda fyakubeleleka ifikalamba, baletila, “Ifwe bonse tuli chalichi cimo icikalamba, kibili tufwile ukuba abaampanga capamo, kibili nokukwata ifintu ifya mwi sonde ne chalichi ne calo, ukwampanga pamo. Cinshi ico . . . Ifwe tuli nokupwisha inkondo ku nshita.”

¹³⁶ Amakana yaba nyinefwe, ama millioni yabo, bali nokutila, “Ico e cintu ico tufwaya.” Moneni uko cifuma, nkashi. Moneni uko catampila.

¹³⁷ “Kibili abepele bonse abo amashina yabo tayalembelwe mwi Buuku lya Mwana uwa mpaanga lya Mweo.”

¹³⁸ Nomba bushe namuipekanya? Pano epo cili. Cena camiyengo ibili kibili cipe icafinia. Kutikeni kuli ico, nomba. “Abepele bonse abo amashina tayalembelwe mwi Buuku lya Mwana wa mpaanga ilya Mweo . . .” Ukufuma pa nshita bayampenye ku chalichi? Ukufuma pa nshita yakupuputulwa? Amashina yabo yalembelwe mwi Buuku lya mwana wa Mpaanga ilya Mweo lintu baishile mu chalichi? Iyo. “Amashina yalembwa mwi Buuku lya mwana wa Mpaanga ilya Mweo ukufuma ilyo umufula we sonde taulabako!” Ameni. Ico ecicita ico. Mwaumfwa? Ico balicitolokela, pa myaka imyanda, pakati kaba kafundisha.

¹³⁹ Lelo, lolesheni, ishina lya mwina Kristu talyalembelwe mwi Buuku lya Mwana wa mpaanga ilya Mweo lintu aishile ku cipailo. Baibele itila, “Ishina lyakwe lyalembelwe mwi Buuku lya Mwana wa mpanga ilya Mweo, ukufuma fye ku mufula we sonde.” “Takuli umuntu uwingesa kuli Ine kano Taata Wandi amuleta. Kibili na bonse abo abaisa, Ndi nokubapela u Mweo wa muyayaya, kibili nkabemya mu bushiku bwakulekelesha.” Cinshi ico tuletina?

¹⁴⁰ Kutikeni kuli ine, wemunyina wanaka. Baibele itila, ukuti, “Yesu ewali u Mwana wa mpaanga uwakwa Lesa uwaipaiwe ukufuma ilyo umufula we sonde taulabako.” Moneni. Oh, owe! Ifyo ici cilebilimya imitima yenu! Ifyo ici nomba cilemipela isubilo! Ukubwelelafye kulya ilyo umufula we sonde taulabako, lintu Satana apilibwile, ububi; Lesa, pakuba uusangwa konse konse, aloleshe pansi ukupita mukamana ka nshita, kibili amwene impela.

¹⁴¹ Aishibile libela! Nga cakutila Taishiba ifintu fyonsé, imwe ninshi mwakwata Lesa uwakwata apakupelela, walimulenga

Ena akwata apakupelela kwati iwe na Ine. Lelo, Lesa takwata apakupelela; amaka yakwa Lesa, ukwishiwa kwakwa Lesa, mufintu fyonse. Ena aba Uusangwa konse.

¹⁴² Ukubwelela kunuma ilyo umufula we sonde taulabako, lintu Satana acitile ububi, pantu Satana akwete mu mano yakwe paco ali nokucita, kabilis Lesa alimwene ifyo Ali nokucilwisha. Ameni.

¹⁴³ Baibele itila, “Kukutendeka kwali i Cebo,” Yohane Washila 1, “kabilis i Cebo cali pamo na Lesa, kabilis i Cebo cali ni Lesa,” kukutendeka, lintu inshita yatampile. Cali u Muyayaya, ilyo ico tacilabako, ici caba munshita, iyo ifwe tulelandapo.

¹⁴⁴ Umuyayaya caba kwati ci—cintu icishipelela. Cena—cena tacawkata impela. Cintu cabulungana, icitwalilila umuyayaya no moyayaya kabilis umuyayaya. Wena mupeto uushiminina nangu uushatala aukwata impela. Lelo Satana abikilemo ukwiminina mulya, nokwisa pano kabilis ena nga aonawile icintu conse.

¹⁴⁵ Lelo, Lesa alimwene apo pali nokuba incende ya nshita. Kabilis ena kuba Umo umukalamba uwaba konse konse, ukufuma ku kutendeka ukuya ku kutendeka, Aloleshe pe samba. Kabilis Ali, ku kutendeka, i Cebo. Nomba, icebo e tontonkanyo ililangwa. Lesa atampile ukutontonkanya, nga fintu Atampile ukumona umuntu nse onse uyo uwaishile pe sonde, kabilis ne cuni conse, kabilis nempantila yonse, kabilis nalunshi onse. Alleluya! Uko ekusangwa konse konse, mweba Maka yonse, aba Muyayaya, Lesa mwebasangwapo lyonse. Uyo e Umo tulebombele muno lucelo.

¹⁴⁶ Ukubwelela kulya ku kutendeka, kabilis Amwene ukutila kwali abantu bambo abo abali nokukabila ukupusuka, abantu bambo abo abali nokufwaya ukupusuka, abantu bambo abali nokuba abanakila mu mitima yabo. Bena balefwaya ukupusuka. Nomba, Afwile apanga ukupekanya ipusukilo lyabo, ico nacilungama, nangu tekuti bapusuke. Kabilis Alishiba ukutila icintu conse icishaba icapwililika tekuti ciye mu Muulu, eico Apangile inshila yakupwililika kuli bena. Ameni. Mwamona ico?

¹⁴⁷ Nomba, ukubwelela kulya kunuma, Atile, “Ine, Palwandi, ndi nokwikila mwi sonde nokusenda umubili wa muntu nse, kabilis Ndi nokulipila icakukandwa ico icilefwaikwa apa. Kabilis Ndi nokubula icifulo, kabilis Ndi nokubalenga bena ukuba abapwililika pantu Nkabaleta muli Ine, kabilis Ine naba uwapwililika.”

¹⁴⁸ Nomba lintu Yesu atile, “Imwe eico beni abapwililika, nangu fye abo ababa... Lesa aba uwapwililika.”

¹⁴⁹ Nomba apa pali ulya umubili uwa cenuulwa ulya uwauminwe nokucenwa pa lubembu, kabilis no lubembu lonse ulo isonde talyatalile alikwata nangu lyena lili nokukwata, lwabikilwe pali Ena. Kabilis Ena e mubili untu Yehovah

abushishe pa bushiku bwa kulekelesha kulya, pa bushiku ubwalenga shitatu panuma yamfwa Yakwe.

¹⁵⁰ Kibili nga tuli muli ulya u Mubili, ninshi tulifye abapwililika nga fintu u Mubili waba. Ameni. Mwaumfwa. Mwingila shani muli ulya u Mubili? Mwingila shani muli Wena? Baibele itila, mu Bena Roma 8:1, “Eico nomba takuli ukusekwa muli abo abali muli Kristu Yesu, abo abashendela umwabela umubili, lelo mu Mupashi.” Tabasakamana ico isonde lilanda, nangu ico umuntu uuli onse alanda, nangu ico ulupwa lwabo lulanda. Bendela mu Mupashi wakwa Lesa, mukupwililika, Mukutemwa ukukalamba ukwa maka. Mwamona ico?

¹⁵¹ Nimumusango nshi mwingila muli Wena? Kupitila mukuyampanya ku chalichi? Kupitila mukuposhanya mu maboko? Kupitila mu lubatisho lwa mumenshi? Iyo, mukwai.

¹⁵² Chapitala 12 iya mu Bena Korinti Wacimo itila, “Ukupitila Mupashi umo bonse twabatishiwa mu Mubili umo, kibili nokuba ba membala ba uyo u Mubili.” Kibili, nomba, te cilya ico Nacita, ico Naba, untu Nali, nangu apabula nangu cimo palwa ico. Ni cilya ico Lesa ancitila, muli Kristu, kibili twaba abapwililika pamo ne Lambo Iyesu.

¹⁵³ Tapanga icilubo nangu cimo. Ena nga tekuti amiletemo nga cakutila imwe tamwali abafikapo. Aishiba imitima yenu. Ico nacilungama. Alishiba ifyo mwaba. Alishiba necakwimininapo cenu. Alishiba ifyo imwe mwaba. Mwaliba ifiteyo ukuya monse mu musebo. Icine cine, ciwa kuti amilenga imwe ukupununa. Kibili mwatila, “Nshacipilibula ukucita ico. Lesa, Namwishiba ico.” Iwe ucili uwawililika pantu paliba u Mulopa uwa pwililika uupelwa pali iwe, cila bushiku, kibili ne Lambo ilisuma umulopa ilyakobama ku Cipuna cakwa Lesa wa Maka yone. Ico nacilungama. Nomba, waingile shani Mulya? Lesa, ukupitila mukwishibila libela...

¹⁵⁴ Nomba, Lesa atile ukuti Yesu... Nomba fwale ni ifisote fyenu. Isulen iimitima yenu. Lolesheni. Baibele itila, “Yesu e Mwana wa mpaanga uwaipaiwe ukufuma” (kwisa?) “kumufula we sonde.” Alipaiwe. Mulandu nshi? Lesa, Wishi, lintu Aloleshe pesamba nokumona ifyo...

¹⁵⁵ Yesu taishilefyе ukwisa fwa imfwa yabipa. Taishile, tutile, “Ukuba, limbi umuntu umo ali nokukwata ubulanda ukumona lintu wamona inshila Nafwililemo, ne fintu fyonsse.” Iyo. Iyo. Lesa tabomba umulimo Wakwe ngefyo. Lesa abomba umulimo Wakwe mukupwililika. Ico nacilungama.

¹⁵⁶ Alishibe bwino bwino ico icali nokucitika. Iyo e nshila Ali nokulandilamo pakubala. Alishiba bwino bwino ico Ena... “Tali uwafwaya ukuti uuli onse engonaika.” “Tali uwafwaya,” lelo, nga cakutila Asangwa konse konse, Alishiba uyo uuli nokucita noushili nokucita. Eico, kuti waba uwashininkishiwa, nga cakutila walipokelela Lesa kibili walisushiwamo no

Mupashi wakwa Lesa, waliba uwaikatilila mpaka ukufika naku bwikashi bobe ubwa Muyayaya. Icalungama bwino. Mwamona, Aleshibila libela.

¹⁵⁷ Nomba moneni. Baibele itila, ukuti, “Yesu, u Mwana wa mpaanga, aipaiwe ilyo umufula we sonde taulabikwa.” Oh! Ine—Ine Ninjishiba nacita icakusekesha apa, lelo Ine—Ine—Ine naumfwa ubukata. Lolesheni. Cinshi? Yesu aipaiwe ilyo isonde talilakwata nangu icabipa icakubalilapo ica fiko icabikilwe. Yesu kale ali uwaipaiwa. Mulandu nshi? Pantu Lesa... Pano epo cili. Umfweni ico. Lesa, ukupitila mukwishibila libela, lintu Ali i Cebo mukutendeka, Ailwike itontonkanyo. Nomba lyenafye litontonkanyo; nomba lintu Alandile ico, nokutila lili nokuba, Yesu aipaiwe ilyaine inshita Lesa alandile i Cebo. Nomba cinshi? Imyaka amakana yane kuntanshi, Aishile nokulipila umutengo, untu Lesa acitile kale kunuma kunuma, ukupitila mu Cebo Cakwe. Ali nokwisa. Ifiwa fyonse ku mbo tafya Muleseshe ukwisa. Lesa kale alandile ico.

¹⁵⁸ Nomba, we wacetekela, bushe naufwala insapato shakusangalala kobe? Kutika kuli ici. Nga cakutila uli mwina Kristu, nga cakutila iwe icine cine uli mwana wakwa Lesa, Baibele yatila...

Ico tacaba, “Oh, kashimikila!”

¹⁵⁹ Iyo ni Baibebe. Citila, “Amashina yenu yalembelwe mwi Buuku lya Mwana wa mpaanga ilya Mweo ilyo umufula we sonde taulabako.” Oh, owe! Inshita imoine lintu Kristu... lintu Lesa atile Kristu ali nokwipaiwa, Alembele ishina lyobe pamo ne Lyakwe. Alleluya! Mwaumfwa. Ishina lyobe lyalembelwe mu...

¹⁶⁰ Atile, “Kibili abepele bonse, abakalamba, abaice,” abengi bali niba membala abamu chalichi abena Kristu abaleipashanya. “Abepele bonse abo amashina yabo tayalembelwe,” te mwi buuku lya chalichi, lelo, “mwi Buuku ilya Mwana wa mpaanga ilya Mweo” (lisa?) “ilyo umufula we sonde taulabako.” Lesa alembele ishina lyobe mwi Buuku lya Mwana wa mpaanga ilya Mweo, ukupitila mu Cebo Cakwe icasoswa. Kibili atumine Kristu, i Lambo, ukushita lyena, ukulubula ibumba limo limo ilyo Alembele amashina yabo mwi Buuku lya Mwana wa mpaanga ilya Mweo ilyo umufula we sonde taulabako. [Pali tepu tapali amashiwi—Kale.]

¹⁶¹ Nomba, “Bonse abo Aitile, Alibalungamika.” Abetile ilyo umufula we sonde taulabako. “Bonse abo Aita, Alibalungamika. Kibili bonse abo Alungamika, Alibakatamika kale.” Lesa umo wine, ukutila ilyo takulaba umufula we sonde, aitile ishina lyobe nokulilemba mwi Buuku lya Mwana wa mpaanga uwa Mweo; mwi Buuku, ukufuma ku mufula we sonde, kale alipanga incende mu Bukata kuli iwe. “Kibili lintu ili ihema lya pesonde lyaonaulwa, natukwata kale limo ililelolela ifwe mulya mu Bukata...?” Mwamona. Iyo e Mbila nsuma.

¹⁶² Cinshi ico musakamenepo? Cinshi ico twila tulemoneka ngefi, “Ukuba, Ine nsungukafye”?

¹⁶³ Imyeni imitwe yenu! Baibele efyo yalandia, “Imyeni amakufi yenu ayanaka. Kibili lekeni amaboko yenu yeme pamuulu, ukutila pa nshita imo ilyo mwayaponya. Lekeni uyo uuli uwanaaka, atile, ‘Nalikosa.’” Ameni.

¹⁶⁴ Pantu, Imbila nsuma naipelwa. Lyashi i Lisuma. Kibili, muno lucelo, Mupashi wa Mushilo, ukupitila mu Cebo, alemiletela i Lyashi ilisuma, ukutila, “Ukufuma ilyo umufula we sonde taulabako Lesa alembele ishina lyobe mwi Buuku lya Mwana wa mpaanga ilya Mweo.” Ifiya fyonse ukufuma kumbo tekuti fifumye lyena mulya. Icebo cakwa Lesa calilanda ico. Ukuba fye ica shininkishiwa ukucitika, nga fintu Lesa alembele mulya ilyo umufula we sonde taulabako! Ameni. Ifyo abe uwabukata Taata wesu uwa mu Muulu, mukutemwa Kwakwe ukusangwa konse konse no luse Lwakwe, ukucita ico kuli ifwe!

¹⁶⁵ Atile, “Beni abapwililika, nangufye Taata wenu uwa mu Muulu aba uwa pwililika.” Kuti imwe mwaba shani? Lintu, kwena tekupwililika kwandi, tekupwililika kwenu. Kwena kupwililika Kwakwe, ukwa Cebo Cakwe; ukutila Ena asalile iwe, kibili iwe tawa Musalile. Kibili Aletele iwe muli Kristu. Kibili iwe waliba uwacingilwa pamo na Yesu Kristu, kibili ukubafye uwapwililika nga fintu Kristu ali ku cinso cakwa Lesa. Pantu, iwe tauleiminina palobe. Iwe uleiminina muli Ena, pamo ne cintu cimo, “Nalicetekela Lesa.” Ameni. Oh, Nali Mutemwa! Oh, owe!

¹⁶⁶ Kulubali lumbi ulwa Edeni, ameni, we nshita we iisuma ifyo cikaba ubushiku bumo lintu walolesha kunuma kabila watila, “Cinshi ico Nabelele nomwenso? Lolesheni pakusangalala Napanishi.”

¹⁶⁷ We mulumendo umusepela, we mwanakashi umusepela, muno lucelo, nangu iwe muntu mukalamba nangu we mwanakashi, webashatala ukuba abena Kristu, Lesa mukutwalilila alekonkonsha pa mutima obe. [Munyina Branham akonkonsha pa cintamba-Kale.] Oh, ee, iwe limbi kuti waisa pa mpela ya bulendo, lelo tawakakwate ukusangalala. Tapakabe intanda ukushinguluka iwe shilebengeshima. Nshilefwaya ukwiminina ngefyo.

¹⁶⁸ Ndefwaya ukumfwa Ena ukutila, “Cena cali kubomba bwino, wemusuma Wandi kibili umubomfi wacishinka.” Ndefwaya uku Mulangisha ukutotela kwandi.

¹⁶⁹ Umulanda wandi, umunono, umukashi umukote wamfwii, ifyo Ningatemwa ukucita icintu cimo kuli ena, ico Naishiba afwaya, pantu Nalimutemwa, kibili Nalishiba alintemwa. Kibili nga cakutila Ine nacita ico ku mukashi wandi, mukutemwa kwa buntu, cinshi Ine mfwile ukucita, ukwishiba ukutila Lesa, ukupitila mukusenamina, ilyo umufula we sonde

taulabako, amwene ine; ne mulanda, umubembu munono ndepempenuka, kibili naleya kumbo tekuti ncafwilishe? Kibili Andashikile libela nokubika ishina lyandi mwi Buuku ilya Mwana wa mpaanga ilya Mweo ilyo umufula wesonde taulabako. Oh, Nali Mutemwa! Tapali inshila nakalya, iya kulandilamo...?...E mulandu wine Baibele yatila, “Ilinso talyatala mona, ukutwi takwaumfwa, nangufye ukwingila mu mitima ya bantu.” Oh, owe! Ifyo Lesa aba uwa bukata! Bushe taulefwaya uku Mucetekela, nga cakutila uli uwanaka kibili uwa sunkanishiwa uku noku?

¹⁷⁰ Insoni pali imwe mwe bena Kristu, imwe mwebaita abena Kristu, kibili mwaya abatompoka. “Ukuba, Nshishibe. Kibili nga cakutila Naya ku chalichi, i...” Oh, uli cakufisamamo ica bulanda.

¹⁷¹ Lekeni myebe. Imyeni imitwe yenu. Muyolole pamuulu pa cifuba cenu. Oh, owe! Oh, mulebomfyia icicetekelo. Cicetekelo emukalamba wancito. Ico nacilungama. Icicetekelo calikwata amasako pacifuba caciko. Munyinaa, Ndepilibula, calikwata iminofu iikalamba. Lintu cena calanda, yonse amasakamiko yapona ukufuma kulubali lumo ukuya kulinankwe.

¹⁷² Ciwa atile, “Nomba, iwe tekutifye ufikepo. Tekuti ucite ici. Iwe ulaba nensonii pakupela ubunte.”

¹⁷³ Icicetekelo cilema pamuulu, nokutila, “Isala akanwa! Nine ndelanda.” Amen. Icine cine. Icicetekelo cilabula inshila iisuma. Ico eco tulekabila ileelo pa mulebeshi onse mu calo. Naimya umutwe wakwe.

¹⁷⁴ Baibele itila, “Lintu Naliaa...” David atile, “Lintu Nali nomwenso, Naendele pamo...Nali Mucetekele. Lintu Nali nomwenso, nomba Nali Mucetekele. Lintufye Naishile nangu fye ukutina kwa mfwa, ifinshingwa...”

¹⁷⁵ Lintu Paulo aishile, atile, “Wemfwa, ulubola lobe luli kwisa? Wenshinshi, ukucimfyia kobe kuli kw?” Munyina... .

Imyeo ya bantu abakalamba ila twibukisha
Ifwe kuti twalenga imyeo yesu ukuwama,
Ne fyakulekana, ukufisha kunuma yesu
Ifilengo fya makasa pa mucanga wanshita.

¹⁷⁶ Ubushiku bumo, tukekala kwishilya pampili sha Bukata ishamumulu, umo akasuba takakatale akawa muli ulya u Musumba, umo abashila kale kale balebilikisha, shilya intukushi shakale mu Cicetekelo, balelolesha kunuma muli shilya incende shakwishilya, nokumona inshila yesu, iyapangwa no Bukata. Ndefwaya ukwikala pamo nabena, kibili nokumona ukutila Ninjimya umutwe wandi pa muulu mulwelele nokucetekela Lesa, nokwenda ukuya ku ntanshi, mu nshita ya mfula yacimwela ca maka. Oh, owe!

Natupepe.

¹⁷⁷ Taata wesi Uwamu Myuulu, Tule Mutotela muno lucelo pali Yesu. Tule Mutotela pakupwililika kwa Mbila nsuma, pakupwililika, kibili nokuiteka kwa Muyayaya ukwakwa Lesa wa Muyayaya, i Cebo casoswa. Kibili umwabelia i Cebo Cakwe, Atwitile nokutusala muli Ena ilyo umufula we sonde taulabako, kibili nokulemba amashina yesu ilyo umufula we sonde taulabako. Lintu Lesa alanda icebo, cifwile cicitika. Cena cifwilefye ukucitika. Kibili Mwalandile amashina yesu lintu Mwalandile i Shina Yakwe. Mwatusalile, pamo na Ena, ilyo umufula we sonde taulatampa, eico tapali nangu cimo ico twingalanda ico twingacita, Shikulu. Tacaba—tacaba mu bantunse. Tapali nangu cimo ico twingayumfwilamo nangu ukutakishishamo. Icintu fye cimo ico tulelanda, cili icakuti, “mwe Lesa, twa Mutotela pakusenamina Kwenu. Twa Mutotela paluse Lwenu, Shikulu. Ukumona ukutila ifwe twali abeni, lelo Imwe nomba mwalitulenga ukupwililika na lilya Ilambo ilyapwililika ilyo twaimininamo, O mwe Lesa, ukwiminina muli Ena, ileelo, ilyo tuletwalilapo ukwenda.” Twa Mutotela, Taata, pali ifi fintu.

¹⁷⁸ Tuleipusha, nga cakutila kuli umo muno ileelo, Shikulu, uushili muli iyo imibele, ukutila bena pali ino nshita bapange bummo kibili ubwa Muyayaya kibili ubusalo bwakulekelesha, ilyo Iwe taulapanga u Bobe ubwakushalikisha kibili ukwitwa kwakulekelesha mumitima yabo. Twapepa ukutila Mwalafkilisha ico ukupitila mwi Shina lyakwa Kristu.

¹⁷⁹ Kibili ilyo tukontamike imitwe yesu, Ndeingililamo nga cakutila kuli umuntu wamusango uyo pano muno lucelo, uyo uuli muli ba nacisungu balala; iwe taulati ubuke nokwiluka ukutila uwile ukupususha imyeo, iwe uwile wacitapo icintu cimo? Kibili ulefwaya Lesa ukukwibukisha, nga kapususha wa myeo; ulefwaya ukuba umo uwingaya nokwesha ukuleta imyeo ku kupusuka? Bushe kuti waimyako ukuboko kobe, nokutila, “mwe Lesa, njibukisheni.” Lesa amipale. Ico cisuma. Nacilungama.

¹⁸⁰ Bushe kuliko umuntu uwaba ngefyo pano muno lucelo uyo uushatala pansiha imo apokelela Kristu ngo Mupusushi, lelo, muno lucelo, alefwaya ukupanga ico icakulekelesha kibili ubusalo bwa Muyayaya? Ilyo tulemona akasuba kalewa kwishilya, kibili nawishiba ukutila cilifye ninshiku ishilonon ukucilapo kibili tatuli nokuba pano pansiha iitali. Nawishiba ico. Lelo ule—ulefwaya ukwisa ingila mu Bufumu ubwakwa Lesa. Ulefwaya Lesa ukukupokelela. Kibili walicetekela ukutila Alacita ico, kibili iwe imyako ukuboko kobe pali ico icilecitwa, muno lucelo, ukutila iwe naucetekela ulya Kristu nomba akubula ngo mwana Wakwe. Lesa amipale. Kibili Lesa amipale.

¹⁸¹ Umuntu umo umbi, bushe wala Mubula ngo Mulubushi obe palobe, muno bushiku? Imyako ukuboko kobe, nokutila, “Ukufuma buno bushiku, ukuya kuntanshi, Ine nomba

nakulabombela Lesa nomutima wandi onse. Nacetekela. Kibili Ndefwaya ukwibukishiwako. Umweo wandi onse, Icintu cimo calikonkonsha pa mutima wandi, kibili calikonkonsha pa mutima wandi, kibili Nalikana Ico. Kibili Ndi no mwenso Ine limbi kuti nakana Ico pashita iyalubana nomba. Kibili eico, muno lucelo, mwe Lesa, ukupitila mukusenamina, Naima nokwimya ukuboko kwandi, nokutila, ‘Beni abaluse kuli ine, ne mubembu’?

¹⁸² Bushe kuti kwabako naumbi? Lesa akupale. Kibili nokupala, iwe we mukashana munono. Namona ukuboko kobe, pamo, we mutemwikwa. Nacilungama. Umuntu umo umbi, bushe kuti waimyako ukuboko kobe, nokutila, “Njibukisheniko”?

¹⁸³ Bushe kuli uwabwelela kunuma, kibili atile, “Oh, Munyina Branham, Ndi mwina Kristu, lelo Ndi mulanda umo uupela ifya kufisamamo. Ine mukutwalilila ndabwelela kunuma nokucita ico icalubana. Kibili Ine—Ine nalitemwa Lesa. Lesa ansendele ukupitila mukusenamina. Ninjishiba Ndi mwana Wakwe. Lelo Nshaba uwakubomba, Nshatala momba umulimo wakwa Shikulu. Ine munshila imo mfumakofye, kibili nabwela kibili nafuma, kibili nabwela kibili nafuma. Lelo Icintu cimo citwalilapofye ukunjikatilila, mumutima wandi. Ndi nensoni pa bunte bwandi. Ndi nokuba uwansonni ukukumanya Lesa, muno lucelo, tapali umweo umo nangu cimo. Ine—Ine—Ine ndefwaya Lesa ukumbwesha nokunkumbatila kulubali Lwakwe ulwasumine umulopa, nokundopola, ico Mfwile ukucita, kibili lekeni mbe umwina Kristu umwine mwine ukufuma buno bushiku ukuya kuntanshi. Naimya ukuboko kwandi kuli Lesa. Ico eco Ndefwaya Iwe ukucita, kuli Lesa.”

¹⁸⁴ Lesa akupale, namayo. Lesa akupale, iwe, iwe, iwe. Ukutila, nomba Lesa amona umutima obe. Kibili naimwe bonse mwebemishe amaboko yenu, Nimishiba. Ninjishiba imyeo yenu iyakuya pamuuu kibili yabwelela pansi. Iyo muli... (Abena Kristu bashala balepepa.) Ninjishiba imibe yenu iyakuya pamuuu nokubwelela pe samba. Ninjishiba ukubwelela kunuma kwenu. Lesa alishiba bwino bwino, nga cakutila Nalibeshibe. Namona imwe mwaisa ku cipailo, imwe mufwile mwaesha ukupanga icakutampa, nokubwelela kunuma; mufwile mwaesha ukupanga icakutampa, nokubwelelamo kunuma.

¹⁸⁵ Umuntu aponenefye afwa, inshiku shinono ishapitapo, ulya uwalefundu kwisukulu lyapa Mulungu pano. Ndecetekela abantu bakwe bali pano. Kuti naita ishina, imwe mwebengi namwishiba untu Ndelandapo. Ulya mutnu aleisa ku chalichi, kibili abwelelamo; kuti aisa ku chalichi, kibili ena abwelelamo. Alefwaya ukucita icalungama. Alikwete icakupitamo pamo na Lesa. Aali umuntu umusuma, mumutima, lelo aleangala ne sonde apakalamba. Afwile, umuntu umwaice. Afumine mwisonde. Nomba Ndesunguka ifyo icilambu cakwe cili nokuba.

Mwamona? Tamufwile ukucita ico. Tamufwile ukucita ico, ba cibusa. Ikaleni aba kuitungulula nokubomba bwino mucicitwa.

¹⁸⁶ Ulya umuntu kuti abwela pesonde ileelo, nokwiminina kwishilya lya musumba, apali ponce, palya pene afwilile, kuti apunda nokubutukila kwi hema mu maka nga fintu engesa. We mulumendo, Ndekweba, kuli nokuba imyeo iili nokupusuka muli uyu umulungu ukakonkapo, lintu aisa pano. Ena naabuka umushilwa nomba. Lelo, ibukisheni, apofye paliba u Muyayaya, mukushikafye ngefyo paba mu makumbi, tabali nokukwata inshita imbi iya kupususha umweo, kabilis tabakakwate inshita imbi iya kwikalila Lesa. Ena alipanga ubusalo bwakwe ubwa kulekelesha.

¹⁸⁷ Nga pafyobe, muno lucelo? Natulungike ifyo, kuli Lesa, ilyo tukonteke imitwe yesu. Tupeni apakwimbila apanono, “Kulubali lumbi ulwa Yordani.”

Kulubali lumbi . . .

Nomba twalililenipo ukupepa.

. . . ulwa Yordani,

Mu mabala ayasuma aya Edeni,

Panono panono nomba, ifwe bonse.

Uko Icimuti ca Mweo cilebalula,

Kuli ukutusha kobe.

Yesu alonaula ifikakilo fyonse,

Yesu alonaula ifikakilo fyonse,

Yesu . . .

Cinshi icilekubweseha kunuma?

. . . icikakilo conse,

Lintu Akukakula waba umuntungwa!

Ine ndi nokuba lyonse, lyonse ukula
Mulumbanya,

Ine ndi nokuba lyonse, lyonse ukula
Mulumbanya,

Ine ndi nokuba lyonse, lyonse ukula
Mulumbanya,

Pantu Alindubula ukuba umuntungwa!

Nomba ifwe bonse, capamo, panono panono.

Kulubali lumbi ulwa Yordani, (Ukwabukafye
umumana kwishilya.)

Mumabala ayasuma aya ku Edeni

Umo i Cimuti ca Mweo cilebalula,

Kwaliba ukutusha kuli iwe.

Mulandu nshi, Yesu alonaula fyonse . . .

¹⁸⁸ Ifikakilo ifya bucaibela, ifikakilo fya bukapepa, ifikakilo fya filonganino, ifikakilo fya lubembu, ifikakilo fyakukana cetekela.

Yesu . . . (Ukubapo Kwakwe kuli mupepi.) . . .
 ifikakilo fyonde,
 Pangafye ubusalo bobe.

Lintu Akukakula ukuba umuntungwa!
 Ine ndi nokuba lyonse, lyonse ukula
 Mulumbanya,
 Lesa akupale, namayo.

. . . Mulumbanyeni,

¹⁸⁹ Umuntu umo umbi, lekeni ifikakilo fyonaulewe ukufuma konse konse. Bushe taulefwaya ukuba uwakakulwa, ileelo? Cinshi ico uleifungushishapo? Mulandu nshi, iwe ulifye uwabulanda kuli iwe we mwine, nga cakutila iwe tauli umuntungwa; u Mupashi wa Mushilo, yafyonse ifiko mu nshila, no Mupashi wakwa Lesa ukupita mu mutima obe. Lesa akupale, nkashi.

Kulubali lumbi . . .

¹⁹⁰ Limbi kwaisa icintu cimo icinono nacikwitatilila. Bushe taulefwaya ukupusuka? Ndesubila amashina yesu nayapombwa pacamo. Lesa akupale, munyina. Ndesubila amashina yesu nayapombwa capamo, kwishilya kulya ku Bukuta nge ntanda isha kwa Lesa, ishibengeshima umuyayaya. Lolesha pamuulu nokutila, "Palya peminine Munyina Branham."

¹⁹¹ Ndi nokutila, "Oh, ee, munyina. Ibukisha mulya mwi hema lulya ulucelo?"

. . . ukulangisha ukufulwa,
 Kwaliba ukutusha kuli iwe.

Ine ndi nokuba lyonse, lyonse ukula
 Mulumbanya, (Bushe taulefwaya ukucita
 ico?)
 . . . ndi lyonse, lyonse nokula Mulumbanya,
 Ine . . .

¹⁹² Wewabwelela inuma, bushe taulefwaya ukwisa kucipailo nomba?

. . . lyonse . . .

Ico icintu icinono iciminine munshila yobe. Yesu alaonaula ico icikakilo. Isa.

Lintu Akukakula ukuba umuntungwa!
 Palya pa capindama apo u Mulubushi wandi
 awwilile,
 Palya pene mukungwamya ukufuma
 kulubembu Nabilikishe;
 Oh, palya ku mutima wandi u Mulopa
 wabikilwe;
 Ubukata kwi Shina Lyakwe!

Oh, ubukata kwi Shina Lyakwe ilyawama!
Oh, ubukata . . .

¹⁹³ Cibusa we mubembu, pano pa cipailo, we wabwelela kunuma, mwebe Ena pali ico nomba. Cali pesa?

Palya ku mutima wandi kwali u . . .

¹⁹⁴ Iwe ufukeme apo weka na Lesa nomba. Alelolesha pali iwe. Nangufye uluseba kuti lwaponna ukwabula Ena ukwishiba ico.

Oh, isa kuli aka Kafukauka akakankala
nganshi, akawama, akasuma,

¹⁹⁵ Nga cakutila tawatala aupokelela Mupashi wa Mushilo, isa. Ali pano.

. . . pa makasa ya Mulubushi;
Oh, ingilamo ileelo, kabilu upangwe uwa
pwililika;
Oh, ubukata ku Lyakwe . . . (Ikatilila ico apo
nomba.)

¹⁹⁶ Ilyo mukonteeke imitwe yenu. Bushe mwalimonpo abantu abapokelelaa Kristu? Moneni umusango wa ncende baikelemo, nefyo bakwete Yena, kuti mwamona bena balecita munshila imoine. Icine cine. Nga cakutila cena cabufi, kabilu icapangwafye kabilu ica myumfwile, umwana ali nokubuka kwati ngefyo. Iyo e nshila cili nokwilamo. Nga cakutila cena cintu catalala, icabafye, kabilu ica bucaibela; ilingi line mu musango babelamo. Balapokelela uyo umusango wa mupashi, pantu ico e cabapo palya ukubabomfyा.

¹⁹⁷ Twaleni pa capindama. Ntwaleni ku ncende uko u Mupashi wenda, ico icisensenuna umutima wandi. "Nangu Ningalandila mundimi shabantu nesha ba Malaika, nangu Ningapela ifintu fyandi ukulisha abapina, umubili wandi ukocewa nge lambo, ukukwata ukwishiba ifya nkama fyonse kabilu na fyonse ifi fintu, fyonse fili nokufilwa. Lelo lintu ico icaba icapwililika caisa, ico icili kutemwa, cena cishipikisha pa nshita." Ukutemwa kuleta icicetekelo.

¹⁹⁸ Bushe tekuti wise nomba ilyo ici icakutemwa, ica kuicefyा, ukumfwika kwa cisuma ukwa Mupashi wa Mushilo kuleenda pano pa cipailo nomba. Fukamako fye, nokutila, "mwe Lesa, beni abaluse kuli ine. Ndefwaya Imwe ukumpela nomba, umutima wandi, uyu u Mupashi uuli mu chalichi. Ine nomba nafukama, kabilu Naipusha. Kabilu, ukupitila mukucetekela, Nacetekela ukutila Mwalapela ico kuli ine." Iwe walaenda ukufuma pano, umo uwaicefyा nganshi, uwa mupashi uwa wamisha. Cena calaba icapwa nomba.

Nalipusuka bwino bwino nganshi ukufuma ku
lubembu,
Yesu mu busuma nganshi aikala mukati kandi,

Oh, palya pa capindama apo Ambulile
nokunjingisha mukati;
Ubukata kwi Shina Lyakwe!
Ubukata...

¹⁹⁹ Ilyo tuleimba ulu, Ndetontonkanya nga cakutila kuli abena Kristu bonse abengafwaya ukubika cipyapcipya imyeo yabo pamo naba abali pano pa cipailo, abo abakonkele Mupashi wa Mushilo kabilis ne pusukilo. Bushe kuti wafukamako pano pamo naifwe, ukupepa pamo naifwe pali ba mineti abanono? Icintu icili conse ico ulekabila, te mulandu nefyo cili. Nga cakutila kulwala, ulekabila ubundapishi. Nga cakutila bwafya, kabilis ulekabila icakukupela ukutusha, nga cakutila uli namasakamiko nausakamana, ukukabila—ukukabila ukwa mutende, isa nomba, bushe tekuti wise?

Oh, iseni kuli aka Akafukauka akaba
akakankala kabilis akawama;
Bika umweo obe uulanda pawa Mupusushi...

Ndi uwansansa nganshi ukumona abengi baleisa, muno lucelo.

...ileelo nokuba abapwililikwa;
Ubukata ku...

²⁰⁰ Mwamona, mulimo wa Mupashi wa Mushilo. Eucita ici. "Ku..." Tekumyumfwile. Nikucamaka, icashika. Tekukupena. Tekukubafye. Kwena kutemwa ekuleta, kulatulesha.

Palya ku mutima wandi epo u Mulopa
wabikilwe;
Oh, ubukata kwi Shina Lyakwe!

²⁰¹ Icisuma nganshi! Umuntu onse alifye uwakontama nomba. Bushe tamutemenwe ici? Nshishibe ifyo muleumfwa, lelo Ndeumfwa fye kwati, mu mutima wandi, uleumfwa fye amatoni ya filamba mukati ka iwe, fileikila pe samba. Mupashi wa Mushilo uwakwa Lesa aleendafye, Ena alecitafye umulimo. Munyina, mpeni ichalichi caba ngefyo, ico icine cine icalepuka, icileyka ku ng'anda yakwa Kabumba, mukubumbwa cipyapcipya.

Yesu, nsungeni mupepi ne capindama,
Pali Akafukauka akawama,
Akapelwa kuli onse...

²⁰² Lekeni ibumba lingafwe ukwimba ulo nomba, ilyo abaipeleshe bali pa cipailo, baleipusha.

Ukwenda ukufuma pa Kamfuku mfuku kapa
Kalbale.

Pa capindama, pa capindama,
Oh, pabe ubukata ubwakutwalilila;
Kabilis umweo wandi uwa sumbulwa uli
nokusanga

Ukutusha kwishilya lyamumana.

²⁰³ O mwe Lesa, Taata wesu, twaisa kuli Imwe, ileelo, mukuicefy, abatobaulwa. U Mupashi wa Mushilo ukwisa mu Cebo. Abena Kristu bali aba-...kabili bali abatotela apakalamba kuli Imwe, ukutila naba Mupokelela, nabafyalwa cipyapcipya. Mwalilashika ici ukufumafye kuumufula wesonde. Mwalilanda ico. Mwatile, "Ninkwata ifintu ifingi ifya kumweba, ifyo tekuti Mwebe nomba. Lelo lintu Ena Mupashi wa Mushilo akesa, Ali nokusokolola ifi fintu kuli imwe, kabili ali nokumifundisha no kumitngulula." Tuli abatotela, muno lucelo, pali Mupashi wa Mushilo uyo uwasokolola i Cebo cakwa Lesa. Mwatile, "Kabili Ali nokuleta ifi fintu kuli Ine...ku kwibukisha kwenu, ico Nalandia kuli imwe. Kabili Ali nokumilangisha ifintu ifili nokwisa."

²⁰⁴ Tuli abansansa ukutila Ali pamo naifwe ileelo. Kabili ukupitila mukufundisha kwa Cebo, kabili namukubomba kwa Mupashi wa Mushilo, kwalenga abena Kristu ukuba ababushiwa, ukulenga ababembu ukwisa kuli Imwe, ababwelela kunuma ukuibika cipyapcipya abene palwabo. Taata, bali pa cipailo. Calenga abalwele kabili na banaka, abo ababa abalunguluka, ukwisa nokukonteka imitwe yabo ukupokelela ubundapishi mu mibili yabo, ukwishiba ukutila i Cebo Cenu icasoswa ca Cine. Ifintu fyonse fimbi fili nokufilwa, lelo i Cebo Cenu tacili nokufilwa. Cine! "Imwe mukeshiba i Cine, kabili ne Cine cakumilenga ukuba abantungwa."

²⁰⁵ Kabili twaisa nokupokelela, muno lucelo, ico Mwapele kuli ifwe, mumyumfwile yakucula Kwenu necikonsolwelo, pamfwa Yenu, ico Mwatupangile. Kabili ukwabula ukushita, Shikulu Yesu, ukupokelela ico. Twacetekela i Cebo cakwa Lesa. Twacetekela ukutila Mwaliliale ukutila, "Ena uyo uukesa kuli Ine, Ine nshakamatamfye." O mwe Lesa, we bulayo we! Temulandu napo bwena bwingaba, Mwatila, "Lintu mulepepa, mucetekelakele ukutila imwe namupokelela ico imwe mwaipushapo. Muli nokupokelela ico."

²⁰⁶ Nomba, Taata, nga cakutila icine cine twacetekela ico, cena ninshi capwa. Ifwe twacetekela ico. Ukutila nacicitika. Nomba elyo ifwe twabombela pakulanda kwesu, ukutila Imwe namutucitila ico. Te ico icakutila ifwe natufikapo; ifwe tatuli abafikapo. Lelo ukupitila mukusenamina Kwenu uko ifwe tatwalingile ukukwata uko twakwata ukupitila muli Imwe, natucetekela ukutila umulimo naupwa.

²⁰⁷ Kabili aba abaipeleshe, kabili na bamo abaleisa muno lucelo, baleipela abene palwabo, kabili nakuli bonse abo abaleishila ifya kusekelamo ifya kucula, nga fintu Davidi atile, "Pala Shikulu, O we mweo wandi, kabili wilaba pali fyonse ifya kusekelamo Fyakwe; Uyo uwelela amampulu yandi yonse, nokubwelela kwaandi kunuma; kabili uundapa

amalwele yandi yonse.” Ifyo efya kusekelamo ifya wacetekela. Kibili twapokelela ifyo, ukupitila mu cicetekelo, muno lucelo, ukupitila mukwisa pa Cebo cakwa Lesa, ico icasoselwe ilyo umufula wesonde taulabako. Nga cakutila cali icishingacitwa kuli cena ukukana citika, eico efyo cili icishingacitwa kuli ifwe ukukana pokelela ico tuleipushapo, nga cakutila twaipusha pali ico necicetekelo twacetekela. Kibili ico cili mumitima yesu, Shikulu, ukupokelela ico twipwishepo.

²⁰⁸ Yesu, tusungeni mupepi ne capindama. Lintu umulwani aisamo ngelyeshi, Shikulu, imwe imyeni umulingo ukumucimfy. Paleni ulu ulunono, ulukuta ululelolola. Lesa, lekeni Mupashi wa Mushilo Wenu ubule aba bamo abapele imyeo yabo, aba abaume na banakashi abo abacifukama pa cipailo. Balya ababembu abacisa nokukontamika imitwe yabo, batwale ni mu Bufumu Bwenu.

²⁰⁹ Shikulu, Nailuka ukutila icicetekelo cabu pali cila umo, ilyaine inshita bacicetekela Imwe, ilyaine e nshita Mwacibapokelela. Pantu Mwatile, “Takuli umuntu uwingesa kano Taata Wandi amuleta. Kibili na bonse abaisa, Ndi nokubapela u Mweo wa muyayaya, kibili ndi nokubemya pa bushiku bwa kulekelesha.” Ico e Cebo Cenu, Shikulu. Ifwe twacetekela Ico.

²¹⁰ Kibili na cicitwa, umulimo naupwa, kibili tule Mutotela pali ico. Tule Mutotela pabundapishi bwa mubili onse, pamweo onse uwanaka, pacintu conse ico u Kwenu... Abo abakwete amaboko ayapona pansi, abo abali abakutinya, abo abaleenda ka. Davidi atile, “Lintu Nali no mwenso, nali uwatina, nomba Nacetekele muli Imwe nokutwalililapo ukwenda.”

²¹¹ Mwe Lesa, natwimye imitwe yesu pamuulu, muno lucelo; tekuba ba camwenso, lelo abena Kristu abacetekela muli Yesu Kristu. Lekeni tutwalilile ukwenda, no bunte bwesu ukulabengeshima. Lekeni, ukupitila mu bundapishi bwa mibili yesu, ukupitila mu bunte ubwe pusukilo lyesu, lekeni tulete bambi kuli Imwe. Fikilisheni ico, Taata, nga fintu ifwe bonse pa cipailo natubika. Fikilisheni ico ku Bukata Bwenu, ilyo twacetekela Imwe nokulolela pali Imwe, Shikulu.

²¹² Pano epali fye, ukulasamba fye mibusuma Bwenu, ukulasamba fye mu bulayo Bwenu, ukulaumfwa bulya ubukata bwa Mupashi wa Mushilo ukutwitwa ukwisa kuli Imwe. Ifyo twa Mutemwa! Ifyo tu Mulumbanya!

²¹³ Ifyo Mipepa Imwe, Shikulu! Ine palwandi, pano kunuma lya ili itebulo lya mushilo, namaboko yandi ayaima kuli Imwe, Na Mupepa, Lesa wandi. Na Mupepa. Nimwe Kondapa wandi, u Mupusushi wandi, i Mfumu yandi, Kapela wandi, Taata wandi, Munyina wandi! Fyonse muli fyonsse fyandi fyaba pali Imwe. Nimwe amaka yandi. Ine palwalala... Imwe...

Davidi atile, "Ndi noku Mulumbanya mulukuta lwabashila." Kabili Ndi noku Mupela amalumbo kucinso cabashishiwa benu muno lucelo. Nde Mulumbanya pakumposha. Nde Mulumbanya pamweo wandi. Nde Mulumbanya pa bumi bwandi. Nde Mullumbanya pa busuma Mwalanga pali ine. Nde Mulumbanya pa fibusa fyandi. Nde Mulumbanya pafintu fyonse, Shikulu. Mwaliba abawamisha, abakusangalala ukushingalandwa kabilis abaisulamo ubukata! Ifyo Na Mulumbanya!

²¹⁴ Ifyo Ningapela pela ulusebo ulusuma pali Imwe pa banaka! Ifyo Ningapela ulusebo ulusuma pali Imwe ku babembu, ngo Mupusushi! Ifyo Ningapela ulusebo ulusuma pali Imwe kubalwele, nga Kondapa! Ifyo Ningapela ulusebo ulusuma pali Imwe kuli kendauka, nge Mfumu! Oh, ifyo Na Mutemwa, muno lucelo! Ifyo Ningapela ulusebo ulusuma—ulusebo ulusuma pali Imwe, Shikulu, kuli abo abaloleshiwa ukuba abapanshi, ukuba—ukuba uwasangalala nokusangalala mu nkambi! Ifyo twa Mutotela!

²¹⁵ Oh, Imwe muli Cilibwe mu mpaanga iyanaka, i Cakubamo mu nshita ya mfula yacimwela; mwe Alpha, Omega, mwe Ntendekelo kabilis ne Mpela; mwe Luba lya Sharon, mwe Tunda lyamu Mupokapoka, mwe Lutanda lwa ku Lucelo! Oh, ifyo twa Mitemwa! Ifyo twa Mitemwisha nokumilumbanya Imwe, Mwe mweo Umo wa Muyayaya ushipashanishiwa! Twapela Imwe amalumbo. Oh, tuli nokulumbanya Imwe, nokupela Imwe amalumbo, ukupita monse mu nkulo!

²¹⁶ Tupokeleleni, Shikulu, lintu twapela aya amapali, ifisabo fyamilomo yesu. Mwatile, "Ifwe tuli bantu abaibela, ubufumu ubwa bu shimapepo, ukupela amalambo ya bumupashi, ifisabo fya milomo yesu ukupela ukulumbanya kwi Shina Lyakwe." Ifyo twa Mulumbanya! Ifyo twat Mutemwisha inshiku pe nenshiku pe! Oh, pokeleleni kulya kwine ukutemwisha kwa mitima yesu, ukulanda kwa milomo, Shikulu ukutila ukufuma mukushika ukwa mutima uwa wama twalumbanya Imwe. Ukwishiba, ukutila, te ico ico twingacita. Te mweo wesu; Mweo Wakwe. Te pusukilo lyesu; lipusukilo Lyakwe. Te muulu wesu; Muulu Wakwe. Oh, ifwe te milimo yesu; ifwe tuli milimo Yakwe. Te kusenamina kwesu; kusenamina Kwakwe. Te bukata bwesu; lelo bukata Bwakwe. Te maka yesu; lelo maka Yakwe. Oh, ifyo twamitemwa Imwe! Te chalichi cesu; lelo Chalichi Cakwe. Ifyo twalumbanya Imwe, pantu ico ecaba mu mitima yesu, Shikulu. Ico e caba mu mitima yesu. Tupokeleleni.

²¹⁷ O mwe Lesa, tumeni kwi Hema linono ilya Branham ukupongoloka kwa Mupashi. Bushe kuti Mwacita ico, Shikulu? Oh, tuli abakabila, pano palusoso. Lesa, tumeni ubufumi bwa mapalo. Pongololeli imfula yakwa Lesa, iya kunuma neya kuntanshi.

²¹⁸ Batisheni kakumba wesu, cipyay cipyay, Shikulu. Mubikeni

pamulilo ne Mbila nsuma. Natumutemwa, ileelo, Shikulu. Ena mubomfi Wenu. Twapepa ukutila Mwalasuba umutima wakwe.

²¹⁹ Subeni imitima ya bakashimikila bambi mucikulwa muno lucelo, kibili na membala onse. Lekeni tufume pano, Shikulu...

²²⁰ Kibili mwilaba Wenu, umubomfi ushafikapo, naine palwandi, Shikulu. Ukutila Mwalansua cipyia cipyia na Mupashi wa Mushilo. Fikilisheni ico, Shikulu.

²²¹ Tupeleni aya mapalo. Mukuicefy a twalolela pacipailo, ukwishiha ukutila twapokelela ico, ukuisamba muli Mupashi wa Mushilo Wenu; kibili nokukanaba ne nsoni pa Mbila nsuma iyakwa Yesu Kristu, Amaka yakwa Lesa, ukuya kwi pusukilo. Ifyo twatotela Imwe pali Ico!

²²² Ubushiku bumo ubwa bukata, tulesubila uku Mimona, Shikulu, ukubika amaboko yesu pa makasa ya Umo uyo uwiminine pamo naifwe ileelo, untu ifwe tatulemona, lelo natwishiha ukutila Ali pano. Ifyo twamulumbanya Ena!

. . . mulya mu Musumba,
Akasuba takakawe;
Amaluba yabalula inshita shonse,
Kibili akasuba, takakawe.

Ndeumfwa kwati kutwalilila ukwenda,
Ndeumfwa,
Ndeumfwa kwati kutwalilila ukwenda;
Amaluba yabalula inshita yonse,
Kibili akasuba, takakawe.

Nibanga abaleumfwa muli iyo inshila? Imyeniko amaboko yenu.

. . . ndeumfwa kwati kubilikisha, inshita shimo
Ndacita,
Ndeumfwa kwati kubilikisha, Ndacita;
Amaluba yabalula inshita yonse,
Kibili akasuba, takakawe.

Ndeumfwa kwati kutwalililapo, Ndeumfwa,
Ndeumfwa kwati kutwalililapo ukwenda;
Amaluba yalebalula . . . (. . . ? . . .)

²²³ Nimwe Mwebali kumutwe wabwato, Shikulu. Namwishiha fyone palwa ico. Twaipusha pali aya amapali mwi Shina lyakwa Kristu. Ameni.

²²⁴ Mwebatemwikwa Taata wamu Myuulu, ilyo tulepita apa pa cipailo, tulebika amaboko pali abo limbi abacilalolela pa mapalo aya kuntansi, lekeni Mupashi wa Mushilo, ulya uushacikata mu nshila iya lungama . . . Lelo twapepa, Taata uwa mu Myuulu, ukutila Mwalafikilisha amapalo . . . ? . . . Oh, landeni, Taata uwamu Myuulu, kwateni uluse pali nkashi yesu.

²²⁵ Mwebatemwikwa Taata wamu Myuulu, ilyo uyu umwanakashi watemwikwa pano enda ukwisa pano ukupitila mu cicetekelo... Inshiku ishingi aba pano; uyu uwamfwi kabilii uwankanda yamikone...?... Lelo milimo iingi iyakosa ili nokupita pano. Ukwabula ukutwishiaka lelo ifyo aya amaboko yeshile nokupita mu mabula ya Baibebe, yasumbulwa kuli Imwe. Takuli ukutwishiaka, lelo ukubafye abacishinka mu mutima, muno lucelo, ilyo ena aingila muli ici ichalichi, ne nkoto pesamba lya kuboko kwakwe. Lelo nomba, ukupitila mukucetekela, acibika pansi, nokwenda ukufumapo. Mundapeni, Shikulu. Eshile ku mapalo yakwa Lesa. Napepela, Lesa mweba mu Muulu, ukutila Mumupale. Kabili lekeni ekakwata ico nakabili, ukuya munshiku shonse isha shala isha bwikashi bwakwe. Mupeni amaka mu mubili wakwe. Lekeni aleleta imyeo kuli Imwe, Shikulu, mu Bufumu ubwakwa Lesa. Mwi Shina ilyakwa Yesu Kristu. Ameni.

²²⁶ Lesa akupale, nkashi. Taufwile... Iwe ukubomfyia inkoto yobe iya kale, Nshilecetekela, nakabili. Iwe uli bwino, kabili Nincetekela walaya ku ng'anda ukwabula yena. Ameni. Lintu walafuma mucikulwa, ubukefye yena pakubeya kobe, nokwenda ukufuma. Conse nacipwa.

²²⁷ Lesa Taata, twapepa ukutila Mwalapala uyu umwanakashi uwiminine pano ileelo. Mundapeni mukupwililika. Fikilisheni ico, Taata. Twabika amaboko pali ena kabili nokucetekela ico, mwi Shina lyakwa Yesu.

²²⁸ Taata Lesa, twabika amaboko pali Nkashi Slaughter, nokwipusha ubundapishi pali ena. [Pali tepu tapali amashiwi—Kale.]

²²⁹ Mwebatemwikwa Lesa, twabika amaboko pa wesu... [Pali tepu tapali amashiwi—Kale.]

²³⁰ Nshishibe ifyo muleumfwa. Nalaimba versi; imwe mwimbe ulwimbo ulunono pamone naine.

Umo uwakubalilapo ukufwa pali uku
ukutantika kwa Mupashi wa Mushilo,
Ali ni Yohane Kabatisha, afwile kwati ngo
muntu;
Nomba kwaishile Shikulu Yesu, ba Mutanike,
Ashimikile ukutila u Mupashi uli nokupususha
abantu ukufuma ku membu.

Ukutwalililapo ukulatona umulopa, ee, ena
aletona umulopa,
Uyu Mupashi wa Mushilo uwa Mbila nsuma,
(Nalitemwa Ico.) wena uletona umulopa,
Umulopa wa basambi (Lekeni isonde lilande
ifyo bena balefwaya ukulanda.) ninani
uwafwilile pa Cine,

Uyu Mupashi wa Mushilo uwa Mbila nsuma
aletwalililapo ukutonya umulopa.

Nomba bapolele amabwe Stefani, ashimikile
pakukana ulubembu
Abalengele ukuba abafulwa nganshi,
bapumine umutwe mu;
Lelo afwilile mu Mupashi, ena afwile,
Nokuyaba pamo na bambi, ilya inkcombe
kapela wa mweo.

Kwatwalilile ukutona umulopa . . .

Uyu Mupashi wa Mushilo uwa Mbila nsuma,
ena aletona umulopa,
Umulopa wa basambi abafwilile pa Cine,
Uyu Mupashi wa Mushilo uwa Mbila nsuma,
aletona umulopa.

Pali Petro na Paulo, na Yohane uwa maka
yakalamba,
Bapele imyeo yabo pakutila iyi i Mbila nsuma
inga bomba;
Basakenye umulopa wabo, pamo na
bakasesema bakale,
Eico i Cebo cakwa Lesa ica cine ukuti
cingalandwa ne cinshinka.

Ukutwalililapo ukulatona umulopa, ee,
ukulatona umulopa,
Uyu Mupashi wa Mushilo uwa Mbila nsuma,
ena aletona umulopa,
Umulopa wa basambi abafwilile i Cine,
Uyu Mupashi wa Mushilo uwa Mbila nsuma,
ena aletona umulopa.

Imyeo iili pe samba lya cipailo, ilelila,
“Nipanshita nshi?”

Kuli Shikulu akukanda bonse abo abacita
ifilubo; (Kutikeni.)
Lelo kuli nokuba abengi abo abakapela umweo
wa milopa yabo,
Pali uyu Mupashi wa Mushilo uwa Mbila
nsuma kibili ne lyeshi lyakwe ilya buuta.

Oh, ena aletwalililapofye ukusuma umulopa,
ee, ena aletona umulopa,
Uyu Mupashi wa Mushilo uwa Mbila nsuma,
ena aletona umulopa,
Umulopa wa basambi abafwilile i Cine,
Uyu Mupashi wa Mushilo uwa Mbila nsuma
aletona . . .

²³¹ Nibanga abali abansansa muno lucelo ukutila namupokelela Mupashi wa Mushilo? Imyeniko amaboko yenu. Bushe te Cisuma? Icine cine.

Cena ciletona no . . .

²³² Poshanyeni amaboko na cibusa obe uwiminine mu mupepi naiwe.

. . . uletona no mulopa,

Tileni, "Shikulu Alumbaniwe, munyina, pa busuma Bwakwe bonse."

. . . I Mbila ya Mupashi iletona umulopa,
Oh, umulopa wa basambi abafwilile i Cine,
Ici . . .

Lesa akupale, munyina. Lesa akupale.

. . . Imbila nsuma iletona umulopa.

Oh, ena aletona umulopa . . .

Efyo cili. Imyeni amaboko yenu.

. . . wena uletona umulopa,
Iyi Mbila nsuma ya Mupashi wa Mushilo
iletona umulopa,
Umulopa wa basambi abafwilile i Cine,
Iyi Mbila nsuma ya Mupashi wa Mushilo
iletona umulopa.

Wena uletona umulopa (Alleluya!) uletona
umulopa,
Iyi Mbila nsuma ya Mupashi wa Mushilo yena
iletona umulopa, (. . . ? . . .)

. . . no mulopa, ee, Yena iletona umulopa,
Iyi Mbila nsuma ya Mupashi wa Mushilo yena
iletona umulopa.

Bonse lwimbeni!

Umulopa wa basambi . . .

²³³ Lesa akupale, nkashi. [Nkashi atila, "Munyina Branham . . . ? . . . —Kale.] Ee. [" . . . ? . . . imyaka itatu iya kushalikisha."] Cawama! Eico ndi uwansansa nganshi ukumfwa ico. ["Acinjeba ukutila, nga cakutila kuti Nakwata inshita yakukweba iwe, ukweba iwe, 'Uli shani.'"] Lesa akupale!

²³⁴ Namayo elyo fye bamupepeleko, nomba aleenda papita imyaka itatu, alepela ubukata kuli Lesa.

Nomba natwimbe ulu ulwimbo ulusuma ulwakale. Nibanga abalutemwa ulu?

Icicetekelo muli Taata, icicetekelo mu Mwana,
Icicetekelo muli Mupashi wa Mushilo, batatu
muli Umo;

Nacilungama, nkashi, peleni ulo.

Icicetekelo mu... mu Mwana,
 Icicetekelo muli Mupashi wa Mushilo, batatu
 muli Umo;
 Ifiwa shili nokututuma, naba bembu ukuba
 abalola:
 Oh, icicetekelo ukuba muli Yehova bushe icili
 conse...

²³⁵ Nibanga abatemwa ibumba ilyansansa ngeli? Mulandu nshi, Lesa akupale nkashi. Lekeni twimbe nomba. Umuntu onse, pamuulu wa mashiwi yesu. Lesa akupale, nkashi. Natotela, nkashi. Lesa akupale. Ameni. Lesa akupale. [Munyina alanda kuli Munyina Branham—Kale.] Ee. Ameni. Ameni. Lesa amupale. Lesa amupale.

²³⁶ [Nkashi alanda kuli Munyina Branham—Kale.] Lesa akupale, wemutemwika nkashi yandi. Lesa akupale, nkashi.

²³⁷ [Pali tepu tapali amashiwi—Kale.]... amaboko yenu, kibili imbeni lwena nomba.

Lesa abe naimwe mpaka tukakumane...

²³⁸ Lesa akupale, Nkashi Kelly. Ndi uwansansa ukukumona pamuulu pano! [Nkashi Kelly alanda kuli Munyina Branham—Kale.] Cisuma. Lesa akupale.

²³⁹ Bonse nabamwisha uyo uulebilikisha. Ni Nkashi Kelly. Namwisha, ali no ku... Ci-ciwa alefwaya ukumwipaya kuno, mibusango bwamuli motoka, kibili camulengele aba mucipatala, ali uwaicenaula monse, kibili batile takatale enda, nafyonse. Lelo, kukusenamina kwakwa Lesa! Eumo uwaundepwe. Cileumfwika kwati ba Salvation Army pano muno lucelo. Lekeni tulumbanye Shikulu pamo naena, umuntu onse! Imwe bonse iseni mukumanye Nkashi Kelly, muposhanye mu maboko pamo naena ilyo mulepita.

²⁴⁰ Ninjishiba imwe bonse muli abansansa ukumona nkashi yenu. Kibili, pano, iseni muposhanye mumaboko pamo naena, pano pene pa cipailo. Bonse citeni ico, umuntu onse. “Ndi uwansansa ukukumona!” Ukuba, Shikulu alumbaniwe!

Mpaka tukakumane! mpaka tukakumane!
 Lesa abe naimwe mpaka tukakumane
 nakabili!

Munyina Neville.

Mpaka tukakumane! mpaka tukakumane!
 Mpaka tukakumane pa makasa yakwa Yesu;
 (Mpaka tukakumane!)
 Mpakak tukakumane! mpaka tukakumane!

Lesa akupale, Munyina Neville. Ameni. Lesa akupale.

²⁴¹ Natuleke kabi² tukontamike imitwe yesu pakashita akanono, bushe kuti twacita ico, ilyo munyina aletusalanganya. Kontamikeni imitwe yenu pakashitafye akanono mwipepo. Munyina Neville, nga kuti wacita ico. 

56-0603 I Buuku lya Mwana wa mpaanga Ilya Mweo
Branham Tabernacle
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembulwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimbifiyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org